

新編醫學正傳

新編醫學正傳卷之二目錄

瘟疫門 三 論

脈法

方法

陶氏治瘟疫法

三黃石膏湯

收毒散

九味羌活湯

黑奴丸

大無神木散

附大頭行天病

丹溪方法一條

東垣方法一條

二黃湯

普濟消毒飲子

丹溪活套

養毒散

祖傳人黃散

甘梗湯

斑疹門 四 論

脈法

方法

消風散

普救攝皮湯

陽毒升麻湯

玄參升麻湯

陽毒梔子湯

犀角消毒散

解毒防風湯

升麻解毒甲湯

加味羌活散

調中湯

大青四物湯

內傷門五

論

補中益氣湯

升陽順氣湯

木香化滯湯

門冬青肺飲

枳朮丸

白朮丸

極急大黃丸

祖傳通源散

中暑門六

論

化班湯

祖傳加味散

脈法

硃砂安神丸

當歸補血湯

升陽益胃湯

寬中疋食丸

草薢薏仁丸

木香見現丸

丹溪保和丸

參苓白朮散

脈法

黑膏

方法

調中益氣湯

升陽補氣湯

復和散

白朮和胃丸

枳實導滯丸

三稜消積丸

加味二陳湯

方法

清暑益氣湯

白虎湯

益元散

香薷飲

黃連香薷飲

十味香薷飲

生脉散

桂苓甘露飲

祖傳經驗方法

○濕證門七

論

脉法

丹溪方法九四條

加味二陳湯

防己黃蘗湯

甘草附子湯

加味五苓散

除風濕薤活湯

薤活勝濕湯

茯苓滲濕湯

茵陳五苓散

經驗白朮酒

丹溪活套

○燥正門八

論

脉法

丹溪方法九一條

瓊脂膏

瓊玉膏

天門冬膏

地山煎

和血益氣湯

當歸潤湯

生津甘露湯

生津甘露飲

柴胡散湯

通幽湯

潤燥湯

活血潤燥湯

潤腸丸

○火熱門九

論

脉法

丹溪方法

凡二十條

左金丸

大補丸

抑青丸

石膏丸

四物馬脰湯

又丹溪方法

凡三條

火鬱湯

升麻散火湯

瀉陰火升陽湯

滋腎丸

涼膈散

三補丸

紫雪

妙香丸

瀉心湯

麥門冬湯

攄子仁湯

當歸龍會丸

三黃丸

丹溪活套

祖傳人中白散

已世醫驗一條

○醫證門十

論

脉法

丹溪方法

凡八條

麩麩丸

生韭飲

六鬱湯

升發二陳湯

升陽散火湯

火鬱湯

已試醫驗一條

○痰飲門十一

論

脉法

丹溪方法九六條

燥痰星夏丸

中和丸

小胃丹

墜痰丸

青礬石丸

二陳湯

導痰湯

千緡湯

利膈化痰丸

滾痰丸

神木丸

黃芩利膈丸

蠲飲枳實丸

十棗湯

三花神祐丸

控涎丹

半夏丸

取竹瀝法

取劑瀝法

丹溪活套

已試醫驗一條

○咳嗽門十二

論

脉法

丹溪方法九六條

嗽煙筒

喘嗽遇冬發方

寒嗽加味二陳湯

清金化痰丸

乾咳嗽治法

痰因火逆治法

補陰四物湯

四物合二陳湯

陰虛嗽紅治法

又丹溪方法

三貼

嗽失音潤肺散

嗽而無聲有痰方

嗽而有聲無痰方

加味瀉白散

寒熱交作痰嗽方

小陷胃湯

五味子湯

嗽分肺虛肺實方法

訶子收斂之功

瓊玉膏

九仙散

三拗湯

溫肺湯

人參荊芥散

加味三陳湯

杏蘇飲

丹溪活套

祖傳經驗方

祖傳三聖丹

○哮喘門十三

論

脈法

丹溪方

九十四條

葶力大棗瀉肺湯

濟生葶力散

瀉白散

祖傳治哮喘方九四條

○瘡證門十四 論

脉法

丹溪方法九十六條

截瘡常山飲

截瘡七寶飲

東垣方法九七條

溫脾散

丹溪活套

祖傳截瘡神方九三條

已試醫驗一條

○霍亂門十五 論

脉法

丹溪方法九七條

桂苓甘露飲

五苓散

半夏湯

理中丸

六和湯

漿水散

姜附湯

理中湯

灸法九二條

洗法

丹溪活套

○泄瀉門十六 論

脉法

丹溪方法九十一條

青六丸

溫六丸

姜麴丸

止瀉方

脾泄丸

茯苓湯

黃芪補胃湯

升陽除濕湯

痛泄方

白朮芍藥湯

茯苓湯

蒼朮芍藥湯

防風芍藥湯

蒼朮防風湯

良方神木散

胃風湯

丹溪活套

祖傳經驗方

已試醫驗九二條

九二條

新編醫學正傳卷之二

花谿恒德老人虞傳天民編集

姪孫虞才愚惟明校正

瘟疫

附大頭天行病
蝦蟇瘟

論

內經曰蒼天之氣清淨則志意治順之則陽氣固雖有賊邪弗能害也又曰冬不藏精者春必病瘟是以多感於房勞辛苦之人安樂者未之有也俗名瘟病醫書曰疫癘曰黃病嶺南閩廣等處曰瘴氣蓋指山嵐霧露煙瘴溫熱惡氣而名之也一省觸冒四時不正之氣而爲病焉傷寒論曰春應溫而反清夏應熱而反寒秋應涼而反熱冬應寒而反溫罷安當曰疫氣之發大則流行天下次則一方次則一鄉次則偏著

一家悉由氣運轉發有勝有伏遷正退位之所致也視斯疾者其可不推運氣而治之乎陶氏曰夫疫氣之中人輕重不一仲景無治法後人用敗毒散治甚得理然亦有愈不愈者蓋疫氣有淺深實稟有壯怯怯而受厲氣之深者雖智者尚不能治况庸劣之士乎若資稟壯實所感又淺則庶幾可愈切不可作傷寒正治而大汗大下也但當從乎中治而用少陽陽明二經藥少陽小柴胡湯陽明升麻葛根湯也看所中陰陽經絡脈証而以二方加減和治之殊爲切當學者宜詳察之毋忽

脉法

脉陽濡弱陰弦緊更遇溫氣變爲瘟疫

溫病二三日體熱腹滿頭痛食飲如故脉直而疾八日死

溫病四五日頭痛腹滿而吐脉來細而強十二日死

溫病八九日頭身不疼自不赤色不變而反利脉來牒牒按之不鼓手時大心下堅十七日死

溫病汗不出出不至足者死厥逆汗自出脉堅強急者生虛軟者死

溫病下利腹中痛甚者死

方法

丹溪曰衆人病一般者此大行時疫也治有三法宜補宜散

宜降用太黃黃芩黃連人參桔梗蒼朮防風活石查附人

中黃神麴糊爲丸每服五七十九氣虛以四君子湯下血

虛以四物湯下痰多以二陳湯下熱甚者加童便謂人中黃

糞也今人多有以糞五中瀉汁頗飲一二碗病隨愈然因

恐畏具臭穢不祇下咽耳故丹溪所取人中黃法於今月

以竹葉筒刮去青兩頭留取一頭打連一窠以大耳草

入筒內以竹釘塞其竅收糞缸中二三箇月取出晒乾用

○陶尚文治臨渡法

若病只在少陽經者小柴胡加防風羌活微發之而愈若

病兼陽明經者柴葛二方合服之

小柴胡對升麻葛根湯也

若見太陽証便大便秘者以本方

小柴胡也

去黃芩對五苓散

尤當暑脉寒熱若無寒去桂留苓

若小便不利是膀胱本病本方加去桂五苓散

若入太陰經無熱證見者用理中湯此證必須腹痛而瀉

明日瀉止痛止仍用小柴胡和之

若入少陰經及厥陰經用陰証傷寒傳經法治之

若初看未端的且先以敗毒散治之看歸在何經再隨經

施治無不効者

若發黃小柴胡合去桂五苓散未退茯苓滲濕湯

瘟疫作渴本方加石膏知母濕溫渴蒼朮白虎湯

瘟疫發狂不識人大柴胡湯加當歸如大便泄者三黃石

膏湯柴苓湯

瘟疫膏肓滿悶本方中加枳殼橘紅黃連若大便不通大

柴胡湯微利之

○三黃石膏湯

石膏

三錢

黃芩

黃連

黃柏各一錢半

豉

半合

麻黃

一錢

梔子

五枚

右細切作一服水二盞煎至一盞三分連進三五劑愈

○敗毒散治瘟疫四時通用

羌活

獨活

前胡

柴胡

川芎

枳殼

桔梗

白茯苓

人參各等分甘草減半

右爲細末每服三錢加生姜三片水壹盞半煎至一盞溫服或沸湯點服亦可此藥治傷寒瘟疫風濕風眩四肢痛憎寒壯熱項強睛疼不問老人小兒皆可服或領南煙瘴之地或瘟疫時行或入多風瘴或處卑濕之地脚氣痿弱此藥不可缺也日三五服以知爲度一方加薄荷少許每服五錢加姜水煎服

○九味羌活湯

方見傷寒門

治瘟疫初感一二日間服之取汗

而愈其効如神

○黑奴丸治溫毒發斑煩躁大渴及時行熱病六七日未得汗脉洪大兕數面赤目眩身痛大熱狂言欲走渴甚又云五六日已上不解熱在胃中印嚙不能言爲壞傷寒醫所不

治棄為死人精鬼已竭心下尚溫拊開其口灌藥下咽則活

黃芩

釜底煤

芒硝

麻黃

梁上塵

小麥奴

灶突墨

各一兩三錢

右為細末煉密為丸如彈子大新汲水化服飲水足是當發寒寒已汗出乃差若特煩不汗再服一九須見微利若不渴不可與此藥

○大無神水散治四時瘟疫頭痛項強情寒壯熱身痛專主山嵐瘴氣之妙劑也

陳皮

二錢

厚朴

各一錢

石菖蒲

半錢

藿香

右細切作一服加姜三片大棗一枚水一盞半煎至一盞

去粗溫服一方無芻藁有香附一錢名神木散氣散

附大頭天行病

○丹溪曰大頭病乃濕熱在高巔之上用羌活及酒炒黃芩酒蒸大黃隨病加減切不可用降藥

○東垣曰陽明邪熱太甚資實少陽相火而為之也濕熱為腫木盛為痛此邪見于頭多在兩耳前後先出皆主其病也治法大不宜藥速速則過其病所謂上熱未除中寒復生必傷人命宜用緩藥緩服徐徐少與當視其腫勢在何部分隨經處治之陽明為邪首大腫少陽為邪出於耳前也

○二黃湯治大頭天行疫病

黃芩

酒製炒

黃連

酒製炒

生甘草

各等分

右細切每服三錢水一盞煎七分溫服徐徐呷之○如未退

恒東

用鼠粘子不拘多少水煎入芒硝等分亦時時小與母令飲食在後如未已只服前藥取大便秘邪氣已則止○前方宜各少加引經藥陽明渴加石膏少陽渴加瓜蒌根陽明行經升麻為藥葛根甘草太陽行經甘草荊芥防風並與上藥相合用之或云頭痛酒苓口渴乾葛身痛羌活桂枝防風芍藥俱宜加之

○普濟消毒飲子

泰和二年四月民多疫癘初覺憎寒壯熱體重次傳頭面腫盛目不能開上喘咽喉不利舌乾口燥俗云大頭傷寒諸藥雜治終莫能愈漸至危篤東垣曰身半已上天之氣也邪熱客於心肺之間上攻頭面而為腫耳須用下項藥共為細末半用湯調時時服之半用酒在嚙化服盡良愈

活者甚衆時人皆曰天方謂天仙所製也遂刻諸石以傳

永久

黃芩

半兩酒制炒

黃連

半兩酒制炒

人參 三錢

陳皮 去白二錢

甘草

二錢

連翹 一錢

玄參 二錢

白僵蚕 七分炒

升麻

七分

柴胡 五分

桔梗 三分

板藍根 一錢

馬勃

一錢

鼠粘子 一錢

右為末服如上法或加防風川芎薄芎當歸身細切五錢
一半水二盞煎至盞彘食時時稍熱服之如大便硬加酒煮大後
黃一錢或二錢以利之腫勢甚者以砭鍼刺之

蝦蟇溫

○丹溪曰蝦蟇溫屬風熱防風通聖散加減用之或用小柴胡
加防風羌活荆芥薄荷芥枯梗煎服外以側柏葉搗汁調火

煨蛭蚓糞付之或用丁香尖附子尖南星醋調付之或五
兼藤車前草皆可搗付之有效

○甘桔湯治冬瘟咽喉腫痛

甘草

桔梗各等分

右細切水煎時時頻呷之

○萎蕤散治冬瘟頭面腫

萎蕤

二錢半

石膏

一錢半

麻黃

白微

羌活

杏仁

甘草

青木香

川芎

各半錢

乾菊花

一錢半

右細切作一服水二盞煎至一盞去粗目三服

○祖傳經驗秘方人黃散治四時疫癘大頭天行等病

糞缸岸

置風露中半遠者佳
水飛細研一兩重

甘草 三錢

辰砂

雄黃 各一錢半

右爲細末每服三錢煎薄苛桔梗湯送下日三五服煎藥
甘草桔梗茯苓藥本白朮各半錢水煎服○瘰癧夏感寒
伏於小陰咽痛次必下利名曰腎傷寒宜用半夏桔梗甘
草各一錢加姜五片煎服○大頭天行病從額頰腫熱者
又名顙顙瘟東垣有方用羌活酒炒黃芩酒蒸大黃加減
水煎服十五六日服小柴胡湯不愈者仍用陳皮紫蘇發
散而愈又法酒炒黃芩黃連爲君炙甘草爲佐水煎細細
呷之再加黍粘子酒蒸大黃煎入芒硝亦細細頻與服之
微利爲度睡減後去後三味只服煎藥如渴屬陽明加石
膏屬少陽加瓜蒌根若陽明行經加升麻芍藥葛根甘草
太陽行經加羌活荆芥防風如頭痛加黃芩渴加葛根身

痛加羌活防風荊芥桂枝芍藥隨宜用之入上藥相合煎服或時疫腫毒疔瘡或藏府積熱發于頭項咽隘堵塞水漿不下或面赤脉浮洪熱甚瀉蘆湯治之升麻黃芩大黃各一兩藍葉即大玄參各二兩煎服

○丹溪活套云衆人病一般者乃天行時疫蓋冬月閉藏之時反行春令濕勝於寒而發泄真陰土勝水虧矣所勝者妄行土有餘也所生者受病所勝者侮之火土相合濕熱相聚取故春未木長之時無水滋生化源故人病蘊治有三法觀春感清氣無汗惡寒爲疫癘通用升麻葛根湯○春感清氣發熱而渴不惡寒宜解肌湯葛根黃芩芍藥各一錢麻黃一錢半甘草桂枝各七分半大棗一枚水煎服○春溫發熱咳嗽身疼口燥渴脉浮洪熱甚宜小柴胡湯加桂

枝治之咳嗽加五味子渴去半夏加瓜蒌根人參脉實渴
宜大柴胡湯下之渴加知母石膏○凡溫病脉尺寸俱浮
素傷於風因而傷熱風熱相搏其證四肢不收身熱自汗
頭痛喘息發渴昏睡或體重不仁慎勿發汗汗之則譫語
煩躁目昧無睛光病在少陰厥陰二經宜萎蕤湯人參敗
毒散葛根龍膽湯小柴胡湯甚者括萎葛根湯脉浮身腫
汗出漢防已湯誤汗者防已黃芪湯○四時傷寒疫癘或
傷風有汗或風溫身腫體痛惡風口乾日晡潮熱脉實並
參用人三敗毒散○夏應熱而反寒夏及秋初而為暴寒折
於盛暑熱結四肢則壯熱頭痛或寒傷於胃下利膿血或
水瀉脉實者宜下之安調中湯大黃三錢葛根黃芩等藥
各二錢

東陽李文會內子陳氏年二十九三月間得瘟疫証病三日
經水適來發熱愈甚至七八日病劇膏中氣禁作痛莫能
卧衆醫伎窮辭去黑夜來迎子診治病者以綿花袋盛托
背而坐于床令婢磨膏不息手六脉俱微數極而無倫次
又若鰕遊狀予問曰恐下早成結膏耳主人曰未曾下予
再思之三日而經水適來致中氣虛與下同用黃龍湯四
物湯小陷膏湯共合一劑加姜棗煎服主人曰此藥何名
予曰三合湯也一服而諸病悉減遂能卧再服熱退而病
全安愈後又因食粥太多而病復熱又作內傷處治而用
補中益氣湯出入加減調理而愈

班疹四附令丹

論

內經曰少陰所致為瘍疹夫少陰所至者言君火有餘熱令
大行戊子戊午之歲也在人則心主之心火太過則制已所
勝而燒爍肺金蓋肺主皮毛故紅點如蚤之狀見於皮膚之
間心火侮而乘之之色也名曰癰疹或傷寒溫熱病而發班
班如錦文者名曰發班皆熱毒之所致也其證有陽毒有陰
毒是皆冬應寒而反溫人受不正之氣故至春夏而發為班
爛夫陽脉浮數而陰脉實大者名為溫毒或為內外結熱極
深舌卷焦黑鼻若烟煤狂言見鬼面赤而班爛者名為陽毒
如溫病下之太早熱氣乘虛入胃或下之太遲熱氣鬱積胃
中或醫者誤用熱藥過多胃氣熱甚及內傷熱病虛火燔灼
肺之間皆能成發班也是故發赤班者半生半死發黑班者
九死一生治法用化斑湯柳人驗升麻葛根湯去參升麻湯

黑膏黑奴丸之類是皆正治之法也學者宜詳察而用之

脉法

脉陽浮而數陰實而大

下火盛而表故陽脉浮數下焦實熱故陰脉實大

脉多沉伏或細而散或絕無

滑伯仁曰脉者血之波瀾故發班者血散於肌膚故脉伏

方法

丹溪方法凡七條

丹溪曰發班屬氣熱挾痰而作自裏而發于外通聖散中消

息用當微汗以散之下之理理也非

○戴氏曰有色點而無顆粒者曰班一云發班似傷寒痰熱之

病發于外也

○有屬裏者因胃熱助手少陰火入手太陽陰肺也故紅點如

斑生於皮毛間耳白虎瀉心調胃承氣從長選用之

○內傷發班者胃氣極虛一身之火遊行於外所致宜補以降

之

○疹屬熱與痰在肺清肺火降痰或解散出汗亦有可下者

戴氏曰浮小有顆粒者是也隨出即沒而又出一云主乎解散汗之即愈通聖散中消息用之是也

○丹疹皆是惡毒熱血蘊畜於命門遇君相二火合起即發也如遇熱時以通聖等辛涼之劑解之寒月以升麻葛根等辛溫之劑解之凡丹疹先從四肢起而後入腹者死

○有乳孩因胎毒兩腋生癰後腹脹發赤診如霞片取剪刀草杵汁調原蚕沙付之而愈

○冷丹屬血風血熱用通聖散有痰血相搏用

蟬退蠶荊芥南星治之

○消風散

荊芥穗

甘草炙

陳皮去白

厚朴

白殭蚕

蟬蛻去土炒

人參

茯苓

防風

川芎

藿香

羌活各等分

右爲細末每服二錢煎荊芥湯或茶清調下

○元戎葛根橘皮湯肌膚斑駁冬溫始發欬而心悶但嘔清汁

葛根

橘紅

杏仁

知母

黃芩

麻黃

甘草各等分

右細切每服伍錢水一盞半煎至一盞溫服

○陽毒升麻湯治傷寒一二日間身發斑爛或吐下後變成陽

毒腰背疼痛面赤狂言下利脉浮大咽痛方見傷寒門

○玄參升麻湯治發斑咽痛煩躁譫語方見傷寒門

○陽毒梔子湯治傷寒壯勢百節煩痛身發斑爛

升麻

梔子仁

黃芩

芍藥各一錢

石膏二錢

知母一錢半 杏仁七分半 柴胡一錢

甘草五分

右細切作一服入姜三片香豉一百粒煎服

○犀角消毒飲治發斑癰疹等證

牛旁子

四錢

荆芥穗

防風

去芦各二錢

甘草一錢

犀角

一錢半另鎔爲細末不入湯煎

右細切作一服水二盞煎至一盞調犀角末服

○解毒防風湯治發斑及癰疹痒痛

防風

一錢半

地骨皮

黃芪

芍藥

荆芥穗

枳殼

牛旁子

炒各七分半

右細切作一服水二盞煎至一盞去粗溫服

○升麻葛根湯治傷寒陽明實熱發斑

方見傷寒門

○陰毒升麻鱉甲湯治陰班

升麻 二錢

當歸

甘草 各一錢二分

蜀椒 二十粒

鱉甲 炙一錢

雄黃 四分另研

右細切水二盞煎至一盞去粗調雄黃末服

○加味羌活散治感四時不正之氣發為癰疹

羌活

前胡 各一錢

人參 桔梗

甘草 炙

枳殼 麩炒黃色

川芎 天麻

茯苓 各半錢

蟬蛻

薄荷 各三分

右細切作一服加生姜三片水二盞煎至一盞溫服

○調中湯治內傷外感所發陰班

蒼朮 一錢半

陳皮 一錢

砂仁

藿香

芍藥 煨

甘草 炙

桔梗 去芦

半夏 湯泡七次

白芷

羌活

枳殼

各七分

川芎

伍分

麻黃

去節

桂枝

各三分

右細切作一服加生姜三片水二大盞煎七分溫服

○化斑湯治傷寒汗吐下後發斑脉伏即傷寒門白虎加人參

湯也守其類率又加白朮水煎時服之

○黑膏治溫毒發斑

冬月大溫人受不正之氣至春發斑如綿文脉浮散屬陽沉伏屬陰用此以消疹毒之氣

生地黃

半斤

香豉

一升

右二味細切以猪膏二斤合煎之取濃汁如膏用雄黃射

香如豈大內中攪和勻每服用彈子大白湯化下

○大青四物湯治瘟疫發斑

大青

四錢

阿膠

炒成

甘草

各錢

香豉

一合

右細切作一服水煎服之

祖傳經驗加味敗毒散治瘟疫及癰疹等證

羌活

獨活

前胡

柴胡

川歸

川芎

枳殼

桔梗

茯苓

人參

各五分

甘草

薄荷

各二分半

加白朮

防風

荆芥

蒼朮

芍藥

生地黃

各五分

右細切作一服加生姜三片大棗二枚水煎服此因虛而感冒風濕以致發斑者服之良驗

新編醫學正傳卷之二

花溪恒德老人虞搏天民編纂

姪孫虞守愚惟明校正

內傷五

論

內經曰陽者天氣也主外陰者地氣也主內故陽道實陰道虛犯賊風虛邪者陽受之食飲不節起居不時者陰受之是故陽受之則入六府陰受之則入五藏此內外陰陽府藏虛實之不同也舉世醫者但見惡寒發熱頭目沉重之証更不察內外虛實便作傷寒糗糊處治輒用仲景汗下解利之法治之多死良可嘆哉我東垣先生憫生靈之天枉著內外傷辨惑論脾胃論等書一皆以扶植胃氣爲本誠萬世不刊之

熱

妙典也其諄諄告誡之意屢以飲食失節勞役過傷爲言而
立補中益氣等湯爲主治若能確守其法而行之無有不驗
惜乎今之醫者多承因習之弊懵然不識機變睥睨其書而
不視間有讀者不明脉候虛實不偏於此則偏於彼或遇內
傷挾痰與食清氣拂鬱于下濁氣填塞胃中之候驟以補中
益氣等藥一試則氣滿痞塞遂謂補藥不宜於此証也決意
改用汗下解利之法暨死而不之悔故王安道有內傷不足
中有有餘之議此發東垣之所未發者耳學者宜潛心究察
其虛實似是之非庶不夭人之天年也東垣辨內外虛實之
法學者宜熟玩於膏中臨証之際庶無魯魚亥豕之訛焉抑
考辨惑論曰夫外傷風寒有餘之証其發熱惡寒寒熱併作
其熱也拂拂發熱發於皮毛之上如羽毛之拂明其熱在表

良以久也里
割也直破
也又力弱及
三日覺其同

也其口鼻氣塞不通心中煩悶不安其惡風寒也稍似裸体
便不能禁雖重衣厚幕逼近烈火終不能禦其寒一時一日
增加愈甚必待邪傳入裏乃已語聲重濁前輕後重高厲有
力腹中和口知穀味大小便如常筋骨疼痛不能動搖手背
熱手心不熱是皆外感有餘之候也其內傷飲食勞役不足
之証其發熱惡寒寒熱間作及熱也蒸蒸燥熱發於肌肉之
間捫之烙手明其熱在內也其口鼻中氣短少氣不足以息
其惡風寒也居露地中遇大漫風起却乃不惡惟門窓隙中
些少賊風則大惡之亦必待其陰陽既和汗出則已語言困
倦前重後輕氣不相續腹中不和口不知穀味大小便或閉
或溲或心下痞悶或胃中如刀刺之痛手心熱手背不熱是
皆內傷不足之候也以此辨之豈不如黑白之易見乎愚故

畧述東垣之言以為後學之矜或耳臨証又當參攷其脉候求其有餘中之不足或不足中之有餘或外感挾內傷或內傷挾外感視其輕重而權宜用藥以施治之庶幾登東垣之堂而為當世之司命矣

脉法

東垣曰右寸氣口脉大於人迎一倍過在少陰則二倍太陰

則三倍

右手三部屬三陰少陰在關主脾太陰在寸主肺肌膚大熱故脾肺二藏之脉皆緊盛也

右寸氣口脉急大而數時一代而澁

澁者肺之本肺代者元氣不相接續此飲食失

勞役過甚太虛之脉也

○右關脾脉大而數謂獨大於五脉也

數中顯緩時

一大也

此不甚勞役之脉也

○右關胃脉損弱甚則隱而不見但

內顯脾脉之大數微緩時一代

此飲食不節寒溫失所之脉也

○右關

脉沉而滑

此宿食不消不脾也

之

方法

丹溪曰東垣內外傷辨甚詳世之病此者為多但有挾痰者有挾外邪者有熱鬱于內而發者皆當以補元氣為主看所挾而兼用藥氣虛甚者必少加附子以行參芪之氣挾痰者補中益氣加半夏更以竹瀝姜汁傳送

戴氏曰凡內外兼証或內傷重而外感輕者為內傷挾外感証治法宜先補證而後散邪或以補中益氣為主治加散邪藥當以六經脈証參究各加本經藥治之或外感重而內傷輕者為外感挾內傷証治法宜先散邪而後補益或以辛涼等解散藥為君而以參朮茯苓歸等藥為臣使是其治也

○補中益氣湯

黃芪

一錢

甘草

或五分或七分

人參

病甚者

白朮

當歸

各七分

陳皮

五分

升麻

柴胡

各三分

右細切作一服水二盞煎至一盞去粗溫服 脾胃一虛
肺氣先絕故用黃芪以益皮毛而閉腠理不令自汗也上
喘氣短損其元氣用人參以補之心火乘脾用炙甘草之
甘溫以瀉火熱而補胃中元氣若脾胃急痛腹中急宿者
宜多用之此三味除濕熱煩熱之聖藥也白朮苦甘溫除
胃中熱利腰膝間血升麻柴胡苦平味之薄者升胃中之
清氣又引黃芪甘草甘溫之氣味上升能補衛氣之散解
而實其表又緩帶脉之縮急用當歸以和血脉橘紅以理
胃中之氣又能助陽氣上升以散滯氣助諸甘辛爲用或
少加黃柏以救腎水而瀉陰中之伏火也表熱者一二服

氣和微汗而愈。○如咽乾者加乾葛。○如心刺痛乃血滯不足加當歸。○如精神短少者加人參五味子。○如頭痛加蔓荊子。痛甚加川芎。頂痛腦痛加藁本細辛。○有痰加半夏生薑。○如咳嗽夏加五味子麥門冬秋冬加連翹麻黃春加佛耳草。欬冬花久咳肺中伏火去人參。○如食不下乃膏中有寒或氣滯滯加青皮木香陳皮寒月更加益智草豈薏夏月更加苳連秋更加栴榔砂仁。○如心下痞悶加芍藥黃連。○如腹脹加枳實木香砂仁厚朴天寒加生薑肉桂。○如腹痛加白芍藥甘草有寒加桂心夏加黃芩。苳乾草芍藥冬加益智草豆豉半夏。○如脇痛或縮急加柴胡甘草。○如臍下痛加熟地黃不已乃是寒也加肉桂。○如大便閉澀加當歸大黃。○如腳軟乏力或痛加黃柏。

不已更加防已。○如氣浮心亂以硃砂安神丸鎮固之。

右此方加減法是飲食勞倦喜怒不節如病熱中則可

用之若未傳寒中則不可用也蓋甘酸適足以益其

病耳如黃芪人參甘草芍藥五味子之類是也見論

○硃砂安神丸

黃連

一錢五分

硃砂

一兩

酒生地黃

酒當歸身

炙甘草

已上各五分

右爲極細末湯浸蒸餅爲丸如黍米大每服十五丸津唾

嚥下食後服

一方無地黃歸身用生甘草

○調中益氣湯

其脉弦洪緩而沉按之中之下得時一澁其証四肢倦怠

肢節煩疼難以屈伸身體沉重煩心不安忽肥忽瘦口失

滯

滋味腹難舒伸太小便清利而數或上飲下便或大便澁
治不行一二日一見夏月飧滯米穀不化或便後見血或泄
見白膿青滿短氣膈噎不通或痰嗽稠粘口中沃沫食入
反出耳鳴耳聾目中溜火視物昏花努肉紅絲熱壅頭目
不得安卧嗜卧無力不思飲食此藥主之

黃芪一錢

人參

甘草

蒼朮各五分

柴胡

此味爲上氣不足胃氣與脾氣下瀾乃補從陰養陽也

橘紅

如腹中氣不得運轉更加一分

升麻

各二分

木香一分或二分

右細切作一服水二盞煎至一盞去粗空心溫服寧心絕
思藥必神効蓋病在四肢血脉空心在旦是也○如時顯
熱躁乃下元陰火蒸蒸發也如生地黄二分黃栢三分○
大便虛坐不得或了而不了腹中逼迫血虛血澁也加當

歸身三分○如身體沉重雖小便數多亦加茯苓二分蒼朮一錢澤瀉五分黃栢三分○如胃氣不和加半夏五分生薑三片有嗽加生地黃二分以制半夏之毒○如痰厥頭痛非半夏不能除此足太陰脾經所作也○如蕪燥熱加黃栢生地黃各二分如無已上證只服前藥○如春夏腹痛加白芍藥三分○如惡熱而渴或腹痛者更加白芍藥五分生黃芩二分○如惡寒腹中痛加桂心三分去黃芩名桂枝芍藥湯○如冬月腹痛不可用芍藥蓋其性之大寒也只加乾姜二分或加半夏五七分以生薑制之○如秋冬之月胃脘四道爲衝脉所逆併脇下少陽脉二道而反上行病名厥逆內經曰逆氣上行滿脉去形明七神昏絕離去其形而死矣其正氣上衝咽不得息而喘息有

音不得卧加吳茱萸五分或一錢湯泡去苦用觀厥氣之
少而用○如夏月有此証爲大熱也蓋此病隨四時寒暑
熱溫涼也宜以酒黃柏酒黃連酒知母各等分爲細末熟
湯爲丸如梧桐子大每服二百丸白湯空心送下仍多飲
熱湯服畢少時便以美膳壓之使不用胃中停留直至下
元以瀉衝脉之邪也大抵治飲食勞倦所得之病乃虛勞
七損正也當用溫平并多辛少之藥治之是其本法也
○升陽順氣湯治因飲食不節勞役所傷腹脇滿悶短氣遇春
則口淡無味遇夏雖熱猶有惡寒飢則常如飽不善食冷
物

黃芪一錢

半夏六分

甘草二分

草豈薹四分

神曲

三分

升麻

柴胡二分

當歸身

陳皮各三分黃栢一分半人參三分

右細切作一服水二盞生姜三片煎至一盞去粗食前溫服夫脾胃不足之証須用升麻柴胡苦平味之薄者陰中之陽引脾胃中清氣行於陽道及諸經生發陰陽之氣以滋春氣之和也又引黃芪人參甘草甘溫之氣味上行充實腠理使陽氣得衛外而爲固也凡治脾胃之藥多以升陽補氣名之者此也

○升陽補氣湯治飲食不時饑飽勞役胃氣不足脾氣下滯氣短無力不能寒熱早飯後轉增昏悶頻要眠睡急隋四肢不收懶倦動作五心煩熱

厚朴

姜制三分

升麻

羌活

白芍藥

獨活

防風

甘草

炙

澤瀉

各五分

柴胡一錢二分 生地黄七分半

右細切作一服 生姜三片 大棗二枚 水二盞 煎至一盞 去粗食 前天溫服 如腹脹及腹中窅狹加厚朴一倍 如腹中似硬加砂仁三分

○當歸補血湯治肌熱燥熱因渴引飲自赤面紅晝夜不息其脉洪大而虛重按全無內經曰脉虛血虛又云血虛發熱証像白虎惟脉不長實為辨耳誤服白虎湯必死此病得之於飢困勞役

黃芪一兩

當歸酒洗二錢

右細切作一服 水二盞 煎至一盞 食前溫服

○木香化滯湯治因憂食溫鬱結於中脘腹皮抵痛心下痞滿不思飲食食之不散常常痞氣或胃脘當心而痛並皆之

半夏

湯泡洗

草豆蔻

濕麩最

甘草

炙各七

柴胡

去苦

木香

橘紅

各四分半

枳實

炒

當歸

各三分

酒紅花

一分

右細切作一服水二盞生姜五片煎至一盞去粗熱服

○升陽益胃湯肺及脾胃虛則怠惰嗜卧四肢不收時值秋燥

令行濕熱少退休重節痛口燥舌乾飲食無味大便不調

小便頻數不欲飲食不消兼見肺病洒淅惡寒慘慘不樂

面色惡而不和乃陽氣不伸故也當升陽益氣此藥主之

黃芪一錢

半夏

人參

去芦

甘草

炙各五分

獨活

三分

防風

三分因秋旺故少

白朮

二分

白芍藥

柯散救旺用人參白朮芍藥之類反補肺蓋為脾胃虛則肺最受邪故因時而補易為力也

羌活

各三分

橘紅

二分半

茯苓

小便利兒不渴者勿用

柴胡

去分

澤瀉

二分不泔
多者不可用

黃連

一分

右細切作一服生姜五片大棗二枚水二盞煎至一盞去粗早飯後溫服

服藥後如小便罷而病加增劇是不宜利小便當去茯苓澤瀉○如方喜食一二日不可飽食恐胃再傷以藥力尚少脾胃之氣不得轉運升發也須滋味之食或美食助其藥力益升浮之氣而滋其胃氣慎不可淡食以損藥力而助邪氣之降沉也可以少役形體使胃與藥得轉運升發慎毋大勞後使氣復傷若脾胃得安靜尤佳若胃氣稍強少食加稟以助藥力經云五稟爲助是也

○雙和散補血益氣治虛勞少力不熱不寒溫而有補

白芍藥

一錢

黃芪

熟地黃

川芎

川歸各六分 甘草炙

肉桂各四分

右細切作一服生薑三片大棗二枚水一盞半煎至一盞

溫服大病後血虛氣乏者以此調治

○門冬清肺飲治脾胃虛弱氣促氣喘精神短少或衄血吐血等証

紫苑耳一錢

黃芪

白芍藥

甘草

炙各七分

人參

麥門冬

當歸身

各五分

五味子

九粒

右細切作一服水一盞半煎至一盞去粗食後溫服

○寬中進食丸滋形氣喜飲食

麥蘖麪一兩

半夏

猪苓

去黑皮各七錢

草薢薢

溫熱藥

神麪

各五錢炒

枳實

麪炒黃色

橘紅

各三錢

白朮

五錢

白茯苓

澤瀉

各三錢

砂仁

二錢

乾生薑

甘草

炙

人參

青皮

各二錢

木香

一錢

右爲細末湯浸蒸餅爲丸如梧桐子大每服三十九丸米飲送下食後服

○白朮和胃丸治病久厭厭不能食而臟腑或閉或澹此胃氣虛弱也常服則和中理氣去濕消痰和脾胃進飲食

白朮

一兩五錢

半夏

湯炮

厚朴

姜製各一兩

陳皮

去白八錢

人參

五錢

甘草

炙二錢

枳實

麩炒黃色

枳殼

各二錢半

木香

一錢半

乾生薑

右爲細末湯浸蒸餅爲丸如梧桐子大每服五十九丸溫米飲送下

○枳朮丸治痞滿消食強胃

白朮

三兩

枳實

麩炒黃色一兩

右爲細末用沸湯泡青荷葉

乾者亦可

頃間去葉用湯浸晚粳

米杵粉以原湯煮糊爲丸如梧桐子大每服五十丸多至

七八十丸白湯送下○本方加橘紅一兩名橘皮枳木丸

治元氣虛弱飲食不消心下痞悶○本方加炒神曲一兩

炒麥蘖麴一兩名曲蘖枳木丸治飲食太過致心腹滿悶

不快○本方加木香一兩名木香枳木丸能破滯氣消食

食開胃進食○本方加半夏一兩名半夏枳木丸治因於

食內傷○本方加酒炒黃連酒蒸大黃炒神麴淨橘紅各

二兩黃芩四兩名三黃枳木丸治傷肉食濕麴辛辣味厚

之物填塞悶亂不快

○草薢丸治傷飲食卒心痛甚効或秋冬傷寒冷之物胃脘

當心而痛上支兩脇痛膈噎不通食飲不下

草豈翹

去朽

枳實

去朽

白朮

各一兩

麥蘖麴

少黃色

半夏

湯炮洗

黃芩

去朽

神麴

少黃色

乾生姜

橘紅

青皮

各二錢

炒鹽

五分

右爲細末湯浸蒸餅爲丸如葉豈大每服五十九白湯送下如冬月不可用黃芩歲火不及又傷冷物加以溫劑是其治也然亦有熱物傷者從權以寒藥治之隨時之宜不可不知也

○枳實導滯丸治傷濕熱之物不得施化而作痞滿悶亂不安

大黃

一兩

枳實

去朽

神麴

少

茯苓

去皮

黃芩

去朽

黃連

白朮

各三錢

澤瀉

二錢

甘草

一錢

或加水香換榔各二錢名木香導滯丸

右爲細末湯浸蒸餅爲丸如梧桐子大每服七八十九溫

水送下食遠量強弱加減丸數以利爲度

○白朮丸治傷豈粉濕麪油膩之物

白朮

六兩

枳實

炒

半夏

泡洗

神麪

炒各一兩

橘紅

七錢

黃芩

五錢

白礬

枯三分

右爲細末湯浸蒸餅爲丸如菉豆大每服六七十丸白湯

送下量所傷加減丸數因素食多用椒姜故用黃芩以之

○木香見現丸治傷生冷硬物心腹滿悶疼痛

神麪

炒

京三稜

煨各一兩

石三稜

去皮煨

草豆蔻

麪裹煨

香附子

各五錢

升麻

柴胡

各三錢

木香

一錢

巴豆霜

五分

右爲細末湯浸蒸餅爲丸如梧桐子大每服三十丸白湯

送下量所傷多少服之

○三稜消積丸治傷生冷硬物不能消化心腹滿悶

京三稜

煨

廣木

炒

神麴

炒

各七錢

淨青皮

巴豆

和皮米炒焦黑去米及皮

茴香

炒

陳皮

去白各三錢

丁香

益智

去壳各三錢

右爲細末醋調麴糊爲丸如梧桐子大每服十九加至二十九生姜湯送下食前量虛實加減如更衣止後服

○備急大黃丸治心腹諸卒暴痛

大黃

巴豆

去皮膜及油

乾姜

各等分

右爲細末煉蜜和搗爲丸如小豆大每服二丸以利爲度
○丹溪保和丸治一切飲食所傷胃腹飽悶不安或腹中有食積癖塊多服日漸消散脾胃虛者勿服

山楂肉

五兩

神麴

炒三兩

半夏

湯洗

茯苓

陳皮

去白各一兩

蘊釐子炒

連香

各一兩

麥蘖麪

炒一兩

右爲細末別用生神麪五兩入生姜汁一小盞水調打糊爲丸如梧桐子大每服三五丸白湯或清茶飲送下○一方如麥蘖麪有白朮二兩名大安丸健脾胃消食積最効○一云脾虛者服之虛虛之禍疾如反掌或以四君子等作湯使送下蓋山查一物大能尅化食物若胃中無食脾虛不運不思食者服之則尅伐脾胃之氣故云然也○丹溪加味二陳湯導痰補脾消食行氣

橘紅

茯苓

各七分

半夏

湯包洗一錢

甘草

炙三分

川芎

蒼朮

白朮

各八分

山查肉

一錢五分

砂仁五分

神麪

炒七分

香附子

一錢

麥蘖麪

炒五分

右件除神麪麥蘖麪細研炒另包餘細切作一服加生薑

三片大棗一枚水二盞煎至一盞調神曲麥蘖入內服

○祖傳經驗迴源散

凡傷食物致惡寒發熱久不愈或傷寒後食諸物致食復潮熱不已必詢問其先食何物所傷或糞粽或肉食則以原食之物燒存性一兩重細研爲末別用生韭菜連根葉一握杵汁調服過一二時以東垣枳實導滯丸百餘粒催之其所傷之宿食即下熱退而愈

○參苓白朮散治脾胃虛弱飲食不進或嘔吐瀉利其大病後補助脾胃此藥極妙

人參

白朮

白茯苓

乾山藥

白扁豆

去壳姜汁浸炒一兩半

甘草

桔梗

去芦

薏苡仁

連肉

已上各一兩

家傳治噤口痢用石連肉又加石菖蒲一兩 有氣加木香半兩

右爲細末每服二錢棗湯調下噤口痢用粳米湯休息痢用砂糖湯調下 別方有縮砂一兩

杜門付氏婦予族姪女也年三十歲因勞倦傷食致腹痛脹脹面黃十數日後求予治診得右手氣口脉洪盛而滑右關脉浮診虛大而滑重按則沉實左寸關亦弦滑而無力兩尺皆虛而伏予曰此中氣不足脾氣弱而不磨當補瀉兼施而治初與補中益氣湯二服次日與枳實導滯丸八十九大便秘去二次次日又與補中益氣湯如此補一日瀉一日二十日服補藥十數貼導滯丸千數丸腹脹漸進要退

東坡先生六書推明丹溪之醫學者也自病亦誤治年四十五

時正月間因往永康路途跋涉勞倦發熱身體畧痛而頭
不痛自以為外感而用九味羌活湯三貼汗出熱不退前
後又服小柴胡湯五六貼熱愈甚經八日召予診視至臥
榻前見煎成湯飲一盞在案問之乃大承氣湯將欲飲診
其脉右三部浮洪畧弦而無力左三部畧小而亦浮軟不
足予曰汝幾自殺矣此內傷虛証服此藥大下必死伊曰
我平生元氣頗實素無虛損証明是外感無疑也予曰將
欲作陽明內實治而下之歟脉既不沉實而又無自疼鼻
乾潮熱譫語等証將欲作太陽表實治而汗之歟脉雖浮
洪而且虛又無頭痛脊強等証今經八日不應仍在其表
汝欲作何經而處治之乎伊則唯唯不語以補中益氣湯
加附子三分作大劑與之是夜連進二服天明性診脉畧

平和伊言尚未服仍謂前藥無効欲易外感退熱之藥予
曰再飲前藥二服不効當罪我又如前二服脉証俱減坐
伊始曰我幾誤矣去附子再煎二服與之得熱退氣和而
愈予則告回其熱雖退體猶困倦伊如前自合二十餘貼
服後方得強健復元而安

上湖呂氏子年三十餘九月間因勞倦發熱醫作外感治用
小柴胡黃連解毒白虎等湯反加痰氣上壅狂言不識人
目赤上視身熱如火衆醫伎窮八日後召予診視六脉數
疾七八至又三部豁大無力左畧弦而芤予曰此病先因
中氣不足又內傷寒涼之物致內虛發熱因與苦寒藥太
多為陰盛隔陽之証幸元氣稍克未死耳以補中益氣加
制附子二錢乾姜一錢又加大棗生姜煎服衆醫笑曰此

論

促其死也。黃昏時服一劑，痰氣遂平而熱寐。伊父報曰：自病不寐，今安卧鼾聲如平時。至半夜方省，始識人而諸病皆減。又如前再與一劑，至天明時得微汗，氣和而愈。

中暑六

內經曰：因於暑，汗煩則喘，喝靜則多言。潔又曰：靜而得之為古中暑，動而得之為中熱。中暑者陰証，中熱者陽証。又曰：暑熱之時無病之人，或避暑於深堂大厦得之者，名曰中暑。其病必頭痛惡寒，身形拘急，肢節疼痛而煩心，肌膚火熱，無汗為房室之陰寒所遏，使周身之陽氣不得伸越，大順散等熱藥主之。若行人或農夫於日中勞役得之，名曰中熱。其病必舌頭痛發躁熱，惡熱，扪之肌膚大熱，必大渴引飲，汗大泄，無氣。

以動乃為天熱外傷肺氣蒼朮白虎等涼劑主之王安道曰暑熱之氣一也皆夏月中傷其邪而為病焉豈以一暑熱分為陰陽二証而名之耶其避暑於深堂大厦及恣食藏冰瓜果寒涼之物正經所謂口得寒物身犯寒氣之病耳自當同秋冬即病陰証傷寒處治不可名中暑也此論固是抑亦有未悉之旨也與愚按仲景傷寒論中一証曰中暍即中暑也虛而微弱煩渴引飲體熱自汗此蓋得勞役體虛而暑邪干衛之候是宜東垣清暑益氣湯等補益之劑治之而愈一証曰熱病即中熱也脉洪而緊盛頭疼身熱口燥心煩此蓋得之於冬感寒邪鬱積至夏而發乃挾暑而成大熱之候是宜黃連白虎解毒等湯清涼之劑調之而愈曰中暑者陰証內傷之為病也曰中熱者陽証外感之為病也曰陰曰陽豈不

論

於斯而明辨之乎學者宜再思之

脈法

經曰脈虛身熱得之傷暑

脉弦細乳遲

許學上云傷暑其脉弦細乳遲可也內經曰實傷形熱傷氣蓋傷氣而不傷形則氣消而脉虛所謂弦細乳遲皆虛脉也仲景以弦為陰朱肱亦曰中暑脉虛細弱著脈虛何知矣

脉虛而微弱或浮大而散或隱不見

微弱隱伏皆虛類也

方法

丹溪方法凡二條

丹溪曰夏月陽氣盡出於地人之腹屬地氣陽氣於此時浮於肌表腹中之陰虛矣夏月伏陰在內此陰字有虛之義若作陰冷看誤矣古人治暑有用大順散等劑蓋以涼亭水閣寒涼冰雪之傷不用溫劑病何由安非為伏陰而用也火令之時流金燦石何陰冷之有孫真人蠶生脉散令人夏月服

之非虛而何

○暑証用黃連本香需飲清暑益氣湯五苓散等藥有挾痰者加南星半夏之類挾虛者加人參黃芪之類

戴氏曰暑有胃有腸有中三者輕重之分或腹痛水瀉者胃與大腸受之惡心者胃口有痰飲二者胃暑也可用黃連香需飲黃連退熱香需消暑氣或身熱頭疼躁亂不寧者或身如針刺者此爲熱傷在肉分也當以解毒白虎等湯架柴胡氣虛加人參或咳嗽發寒熱盜汗出不止脉微者熱在肺經火乘金也此爲中暑宜用清肺湯柴胡天水散之類急治則可○清暑益氣湯治長夏濕熱大勝人感之多四肢困倦精神短少懶於動作背滿氣促肢節煩疼或氣高而短身熱而煩心下痞滿小便黃而數大便溏而頻或泄黃如糜或如泔色或

渴或不渴不思飲食自汗體重或汗少者血先病而氣未病也其脉中得洪緩若濕熱相搏必加以遲遲病雖互換少差其脉暑濕今則一也宜以清燥之劑治之

黃芪

斤少一錢

蒼朮

錢各半

升麻

一錢

人參

白朮

陳皮

神麴

炒

澤瀉

各五分

甘草炙

黃柏

酒浸炒

川歸

青皮

麥門冬去心

乾葛

各三分

五味子

九粒

右細切作一服水二盞煎至一盞去粗溫服

○白虎湯治暑熱發渴

○益元散

一名天本散一名六一散

治中暑身熱煩渴小便不利此藥能燥

濕溫分利水道實大腑化熱毒行積滯遂疑血補脾胃降火

之要藥也

方見利門

方河

○香薷飲治一切暑熱腹痛霍亂吐利煩心等証

香薷

三錢

厚朴

姜制

白扁豆

炒各一錢半

右細切作一服水二盞煎七分去粗溫服

方荷

○黃連香薷飲治証同前以前方去扁豆加黃連七分半也

○十味香薷飲

香薷一錢

人參

陳皮

白朮

白茯苓

白扁豆

黃芪

木瓜

厚朴

甘草

炙各半錢

右細切作一服水二盞煎至一盞去粗溫服

方河

○桂令甘露飲治伏暑發渴脉虛

桂心

人參

黃芪

茯苓

白朮

甘草

葛根

澤瀉

石膏

寒水石 各二兩 滑石 二兩

木香 一錢

右爲細末每服三錢白湯調下

○五苓散

方見傷寒門

本方加茵陳名茵陳五苓散治濕熱發

熱黃証最健

○大順散

甘草

乾姜

杏仁

肉桂 各等分

右先將甘草用白砂同炒次入姜却下杏仁炒過篩去砂同桂研爲細末每服二錢白湯調下

王安道曰大順散本爲胃暑伏熱引飲過多脾胃受濕嘔吐水穀不分臍腹不調所立故甘草乾姜皆經火炒又肉桂而非桂枝蓋溫中藥也內有杏仁不過取其能下氣耳若以此藥治靜而得之之証吾恐不能解表反增內煩矣

愚按內經必先歲氣無伐天和其暑月豈可用此熱藥此方錄錄于此不可輕用

○生脉散

人參

五味子

麥門冬 各等分

右細切水煎夏月時時代熱水飲之孫真人曰夏月必服五味子以補五藏氣東垣曰夏月服生脉散加黃芪甘草令人氣力湧出

○祖傳經驗秘方

凡人夏月銜斤道途或於田野中務農作勞或肥白氣虛之人不能抵當暑熱忽然昏悶運仆其氣將絕如在日中即當移病者於陰處徐徐以溫湯水灌之如未甦急灸氣海穴以復其元氣醒後以大劑滋補之藥補之切不可灌以凉水即死

愚按內經有曰陽氣者煩勞則張精絕辟積于夏使人煎厥目盲不可以視耳閉不可以聽憤憤乎若壞都汨汨乎不可止是則中暑運厥之候也

溫証米

論

內經曰諸濕腫滿皆屬脾土又曰濕勝則濡泄地之濕氣感則害人皮肉筋脉原病式曰諸瘕強直積飲痞膈中滿霍亂吐下體重跗腫肉如泥按之不起皆屬於濕夫濕之爲病所感不同有從外感而得之者有從內傷而得之者若居處卑濕之地與夫道途衝斥風雨或動作辛苦人汗沾衣皆濕從外感者也或恣飲酒漿醱酪多食柑橘瓜果之類皆濕從內傷者也夫宜發汗及利小便使汗下分消其濕是其治也

經又曰因邪濕首如裹濕熱不攘大筋繃短小筋弛長繃短
爲拘弛長爲痿因於氣爲腫四維相代陽氣乃竭丹溪釋曰
濕者土之濁氣者爲諸陽之會其位高其氣清其体匿故聰
明係焉濁氣熏蒸清道不通故沉重不利似乎有物蒙之失
而不治濕鬱爲熱熱留不下熱傷血不能養筋故爲拘攣濕
傷筋不能束骨故爲痿弱王註曰素營氣疾濕熱加之氣濕
熱爭故爲腫也邪氣漸盛正氣漸微陽氣衰少致邪代正氣
不宣通故四維發腫諸陽受氣於四肢也但今人見膝間關
節腫痛全以爲風治者多誤矣學者詳之

脉法

脉經曰濕家爲病一身盡疼發熱而身已似薰黃也

脉浮而緩濕在表也脉沉而緩濕在裏也或弦而緩或緩

而浮皆風濕相傳也

方法

丹溪曰六氣之中濕熱爲病十居八九

濕在上宜微汗而解經曰濕上甚而熱治以苦溫佐以甘辛以汗爲効而止也不欲汗多故不用麻黃乾葛等劑濕在中下宜利小便此淡滲治濕也一云濕在下宜升之提濕有自外而入者有自內得者陰雨濕地皆從外治宜汗散久則疎通滲泄之

蒼朮治濕上下部都可用一云上焦濕用蒼朮其功甚烈二陳湯加酒芩龜活蒼朮木通散風行濕最妙

金匱防己黃芪湯治風濕脉浮身重汗出惡風或周身疼痛

防己

甘草

白朮

黃芪

右細切作一服加生姜三片大棗二枚水二大盞煎至一盞去粗溫服○喘者加麻黃○胃氣不和加芍藥○氣上衝加桂枝○下有寒加細辛○濕勝身重陽微中風則汗出惡風故用黃芪炙甘草以實表防已白朮以勝濕

○甘草附子湯治風濕相搏骨節煩疼掣痛不得屈伸近之則痛劇汗出短氣小便不利惡風不欲去衣或身微腫而痛者

甘草

錢二

附子

半錢

白朮

錢二

桂枝

錢四

右細切作一服水煎金匱方桂枝加生姜大棗名白朮附子湯

○加味五苓散治濕勝身痛小便不利體重發渴者

本方中加羌活一倍是也

無

垣

○除風濕羌活湯治風濕相搏一身盡痛

羌活

七分

防風

升麻

柴胡

各五分

藥本

蒼朮

各一錢

右細切作一服水二盞煎至一盞去粗溫服

○羌活勝濕湯治肩背痛不可回顧此手太陽氣鬱而不行以風藥散之脊痛項強腰似折項似拔此足太陽經不通行此藥主之

羌活

獨活

各一錢

藥本

防風

甘草

炙

川芎

各五分

蔓荊子

三分

右細切作一服水二盞煎至一盞去粗大溫服食前

如

身重腰痛沉沉然經中有寒濕也加酒洗漢防已五分輕

者附子五分重者川烏五分

運

○茯苓濕湯治濕鬱成黃疸寒熱嘔吐而渴身體面目俱黃小便不利不思飲食莫能安卧

黃芩

黃連

梔子

防己

白朮

蒼朮

陳皮

青皮

枳實

各四分

赤茯苓

澤瀉

各五分

茵陳六分

猪苓

去黑皮

右細切作一服水二盞煎至一盞去粗溫服

○茵陳五苓散治濕熱大勝黃疸發熱五苓散內加茵陳一倍

即是也

○經驗白朮酒治中濕遍身疼痛不能轉側及皮肉痛難着席

白朮

兩

右細切作一服無灰老酒一盞半煎至一盞去粗溫服

傳家

方局

卷

丹溪活套云濕本爲土氣火熱則能生濕土故夏熱則萬物
濕潤秋涼則萬物乾燥夫熱而怫鬱則生濕也因濕生痰
故用二陳湯加酒芩羌活防風去風行濕蓋風藥能勝濕
也大抵治濕宜利小便爲上策故曰治濕不利小便非其
治也○如一身盡痛或無汗是濕流關節邪氣在表宜五
苓散加姜活蒼朮以微汗之不可太汗恐汗去而虛濕仍
在也若自汗多者宜白朮甘草湯○若小便自利清白大
便泄瀉身痛自汗此爲寒濕宜五苓散加生附蒼朮木瓜
○如風濕身痛微腫惡風宜杏仁湯官桂五錢天門冬芍
藥麻黃各二錢半杏仁七箇水三盞姜十片煎分二服○
又治濕消腫脹利小便健脾胃葶藶木香散葶藶子茯苓
猪苓白朮各一两木香澤瀉木通甘草桂枝各半兩滑石

三兩爲末湯調服○然已上諸方乃畧示其端倪耳全在活法加減而用之不可執一論也夫治濕者固當以三木二爲君以補脾爲主治然亦有濕盛氣滿膨脹者又當以利水行氣爲先補脾藥又未可遽用或以三木爲君而利水藥爲臣使或以木通澤瀉葶藶力車前子等利水藥爲君而歷以茯苓白木人參等補脾藥爲臣使有本而標之者亦有標而本之者看緩急而施治則萬舉萬全之功可立而待也

燥証八

論

內經曰諸溢枯涸乾勁絞揭皆屬於燥原病式曰經云風熱火同陽也寒燥濕同陰也又燥濕少異也然燥金鷄屬秋陰肺

而異乎寒濕故反同其風熱也故火熱勝則金衰而風生
風能勝濕熱能耗液而反寒陽實陰虛則風熱勝于水濕而
爲燥也凡人風病多因熱甚而風燥者爲其蕪化以熱爲其
主也蓋肝主于筋而風氣自甚又燥熱加之則筋大燥也燥
金主於收斂其脉繫澁故爲病勁強緊急而口噤也或病燥
熱太甚而脾胃乾涸成消渴者或風熱燥甚怫鬱在表而裏
氣平者或善伸數欠筋脉拘急或時惡寒筋惕而搐又或風
熱燥併而鬱甚于裏故煩滿而或秘結也及風癰之發作者
由熱甚而風燥爲其蕪化涎溢膏膈燥燥而瘳癰昏冒僵仆
也凡此諸証皆由熱甚而生風燥病各有異者由風熱燥各
微甚不等故也所謂中風筋緩者因其風熱勝濕而爲燥之
甚也然筋緩不收而痿痺故諸賸病痿皆屬於肺金乃燥

之化也。如秋深燥甚，則草木萎落而不收病之象也。是以掌得血而能持足得血，而能步。夫燥之爲病者，血液衰少，不能榮養百骸，故若是也。學者不可不知。

脉法

脉緊而澁 或浮而弦 或乾而虛

方法

丹溪曰：皮膚皴揭，折裂血出大痛，或肌膚燥痒，皆火燥肺金燥之甚也。宜以四物湯去川芎，加麥門冬、人參、天花粉、黃栢、五味子之類治之。

○瓊脂膏治血虛皮膚枯燥及消渴等証

生地黃

二十斤洗淨細切取真汁去粗

鹿角膠

一斤

白沙蜜

二斤煎去而上沫

真酥油

一斤

生薑

二兩搗取真汁

右先以文武火熬地黄汁數沸以絹摠取淨汁又煎二十沸下鹿角膠次下酥油及蜜同煎良久候稠如餡以磁器收貯每服一二匙空心溫酒調下

○瓊玉膏治證同前及肺熱咳嗽甚者

方見咳嗽門

○天門冬膏治血虛肺燥皮膚拆裂及肺痿咳膿血証

天門冬

新國者不拘多少

右一味靜洗去皮心細搗絞取汁澄清以布慮去粗滓用銀鍋或沙鍋慢火熬成膏每用一二匙空心溫酒調服

○地仙煎治諸燥証

山藥

一斤

杏仁

皮一升去尖

生牛乳汁

二升

右件將杏仁研細入牛乳山藥拌勻絞取汁用新磁瓶密封重湯煮一日每服一二匙空心溫酒或湯調下

垣東

○和血益氣湯治口燥舌乾便數舌上赤脉此藥生津液除乾

燥生肌肉

方見消渴門

垣東

○當歸潤燥湯治消渴大便秘澀乾燥結硬兼喜溫飲陰頭退

縮舌燥口乾

眼澀難明

方見消渴門

垣東

○生津甘露湯

一名清飲子

治消中能食而瘦口舌乾燥自汗大便

結燥小便頻數

方見消渴門

垣東

○生津甘露飲子

治消渴諸燥証

方見消渴門

垣東

○辛潤緩肌湯

治諸燥肌渴及皮膚燥澀等証

方見消渴門

垣東

○潤燥湯

治大便秘結腸胃枯涸等証

垣東

○潤腸丸

治大便秘結不通潤燥和血

垣東

○活血潤燥丸

治大便秘血秘常常燥結

垣東

○潤腸湯

治大腸結燥不通

已上四方並見大便秘結門

家傳

○通幽湯治大便結燥治在幽門以辛潤之

子仲兄懷德處士年四十五平生體瘦弱血少值庚子年歲金太過至秋深燥金用事久晴不雨得燥証皮膚折裂手足枯燥搔之屑起血出痛楚十指甲厚反而莫能搔痒子製一方名生血潤膚飲服數十貼其病如晚後治十數人皆驗

○生血潤膚飲

川歸

生地黃

熟地黃

黃芪各一錢

天門冬

半錢

麥門冬

一錢

五味子

九

片苓

五分
去朽酒洗

括萎仁

五分

苑仁泥

五分

酒紅花

一分

升麻

二分

右細切作一服水二盞煎至一盞溫服如大便結燥加麻

仁郁李仁各一錢

火熱九

論

內經曰諸熱瞀瘳暴瘖胃昧燥擾狂越罵詈驚駭附腫疼瘰
氣逆衝上禁慄如喪神中嘔瘡瘍喉閉耳鳴耳聾嘔湧溢
食不下目昧不明暴注嘔瘳暴病暴死皆屬于火丹溪曰太
極動而生陽靜而生陰陽動而變陰靜而合而生水火木金
土各一其性惟火有二曰君火人火也曰相火天火也火內
陰而外陽主乎動者也故九動皆屬火以名而言刑質相生
配於五行故謂之君以位而言生於虛無字位稟命因動而
見故謂之相天主生物故恒於動人有此生亦恒於動其所
以恒於動者皆相火之爲也云又曰五者之性爲物所感
不能不動謂之動者即內經五火也相火易起五性厥陽之

火相翫則妄動矣。火起於妄變化莫測無時不有。煎熬其陰陰虛則病陰絕則死。愚按心爲君火而又有相火寄於肝腎二藏即內經一水不能勝二火也。五性之火爲物所感而動即內經一水不能勝五火也。夫五行之理天人所同知乎此則造化陰陽洞明於膏肓之間又能灼知其火邪之虛實或補或瀉用藥以平之則愈疾之功如射之中鵠矣。學者其可忽諸。

脉法

脉浮而洪數爲虛火。脉沉而實大爲實火。

洪數見於左寸爲心火。見於右寸爲肺火。見於左關爲肝火。右關爲脾火。兩尺爲腎經命門之火。男子兩尺洪大者必遺精陰火盛也。

方法

丹溪方注九
二十一條

丹溪曰陰虛火動者難治

實火可瀉黃連解毒之類○虛火可補參朮生甘草之類

謂之實者邪氣實也
謂之虛者正氣虛也

○火可發當看其在何經○風寒外

束者可發輕者可降重則從其性而升之

凡火盛者不可驟用寒涼必須溫散

火急甚者必緩之生甘草煎瀉兼緩參朮亦可

人壯氣實火盛顛狂者可用正治硝黃水水之類

人虛火盛狂者以生薑湯與之若投以冰水之類

正治立死

有補陰則火自降炒黃柏熟地黃之類

凡氣有餘便是火氣從左邊發者肝火也氣從臍下起者

陰火也

愚按氣有餘者非真氣也五志厥陽之火動而爲邪氣也

飲酒人發熱者難治不飲酒人因酒發熱者亦難治

輕手按之熱甚重手按之不甚此熱在肌表宜清之地骨

皮麥門冬竹筴之類

重手按之熱甚而烙手輕手按之不覺熱此病在肌肉之

內宜發之東垣升陽散火湯火鬱湯之類

煩躁者氣隨火升也

水通下行瀉小腸火

人中白瀉肝火

尿紅岸也秋石亦是

黃芩黃連以猪膽汁拌炒能瀉肝膽之火

黃柏加細辛瀉膀胱之火

青代能瀉五藏之鬱火

玄參能瀉無根之遊火

小便降火極速山梔子能降火從小便中泄去其性能

曲下行人所不知

人有氣如火從脚下起入腹者此虛極也蓋火起於九泉

之下也此病十不救一治法以四物湯加降火藥服之

外以附子末津調貼心湧泉穴以引火不行

馬氏此條言猶

有未悉者如果勞法陰匿之人有此固當作陰匿治若壯實之人有此則是濕鬱成熱之候也愚嘗冒雨使行衣濕得此可以蒼木黃柏加牛膝防已等藥作丸服之而愈後累醫數人皆驗若誤作陰匿治即成變証劇矣

○左金丸

一名回令丸

治肝火

黃連

六兩

吳茱萸

一兩湯泡浸半時許焙乾用

右爲細末粥九煎白朮陳皮湯下

○大補丸治陰火

黃柏

去麋皮細切用新瓦盛焙酒炒褐色

右爲細末粥九或水丸煎四物湯送下又云氣虛四君子湯

湯血虛四物湯送下

○抑青丸治肝火

黃連

不拘
灸火

爲細末粥丸白湯送下

○石膏丸瀉胃火併食積痰火

石膏煨爲細末醋丸藁豈大清米飲送下

○四物湯加白馬脰骨降陰火代苓連用

○陰虛發熱四物湯加炒黃柏酒知母乃降火補陰之妙劑甚

者加龜板蒸氣虛加參芪白朮

○手心熱屬熱鬱當用火礬湯或用梔子香附白芷半夏川芎

麴糊爲丸服

○火鬱湯治四肢熱及五心煩熱因熱伏土中或血虛得之或

胃虛多食冷物抑遏陽氣於脾土之中

羌活

升麻

葛根

芍藥

人參

各七分

柴胡

甘草

生各三分

防風

葱白

五莖

右細切作一服水一盞半煎至一盞稍熱服

○升陽散火湯治男子婦人四肢發困熱筋骨間熱肌表熱如

火燎捫之烙手此病多因血虛而得之或胃虛過食冷物鬱遏陽氣於脾土之中火鬱則發之

升麻

葛根

獨活

羌活

白芍藥

人參

各六分

炙甘草

一分

柴胡

三分

防風

三分半

生甘草

二分

右細切作一服加生姜三片水一盞半煎至一盞熱服忌

生冷等物

錄

○瀉陰火升陽湯治肌熱煩熱面赤食少喘咳痰盛右關脉緩弱或弦或浮而數

菴活

甘草

炙

黃芪

蒼朮

各一分

升麻

八分

柴胡

一錢半

人參

黃芩

各七分

黃連

酒炒五分

石膏

五分欸多勿用

右細切作一服水二盞煎至一盞溫服

垣東

○滋腎丸降腎火

黃柏

二兩火拌陰乾

知母

二兩去毛酒浸陰乾

肉桂

一錢去麋皮

右二味氣味俱陰以同腎氣故能補腎而瀉下焦火也桂與火和同體故以寒因熱用丸諸病在下焦皆不渴也右爲細末以熱水丸百沸湯下

○涼膈散

河

卷之二

七

七

七

大黃

木礞

甘草

連翹

梔子

黃芩

滑石

各二

淡竹葉

五片

右細切作一服水一盞煎至八分去粗入密一匙和勻服

○三補丸瀉三焦火

黃芩

黃連

黃柏

右爲細末新汲水丸服

○紫雪治內外煩執不解口中生瘡顛狂叫走解諸熱毒和熱

小兒驚瀾等証

黃金

百兩

寒水石

礞石

石膏

滑石

各二

已上用水一石煮至四斗去粗入下項藥

甘草

各八兩

青木香

生犀角屑

羚羊角屑

沉香

各五兩

丁香

升麻

玄參

各一斤

硝石

二斤若朴硝十斤擇硝亦可朴硝淨者

已上再煮至一斗五升入下項藥

已上入煎藥汁中微火煎柳枝不

住手攪候有七斤投放水盆中半

日入下項藥攪令勻

硃砂

三兩

當門子

即射香一兩二錢半

右煎成霜雪紫色每服一錢或二錢涼水調下大人小兒

臨時以意斟酌加減多寡服之並食後服

病

○妙香丸治時疫傷寒解五毒潮熱積熱及小兒驚癇等証

巴豆

取淨三百五十粒

牛黃

片腦

膩粉

射香

各七錢五分

辰砂

九兩

金鉞

九十片

右研極細煉蠟六兩入蜜七錢半同煉令勻每兩餅三十

九每服一九小兒蘇豈大二九白湯下○按季方無金鉞

有水銀硃砂治久遠成積

按硃砂不可輕用製煉不精則殺人慎之

○瀉心湯治心經蘊熱

右以黃連一味爲細末水調服之

○千金麥門冬湯治諸病後火熱乘肺欬唾有血宵脇脹滿上氣喘急羸瘦五心煩熱渴而煩悶

麥門冬

桑白皮

生地黃

各七分

半夏

紫苑茸

桔梗

淡竹葉

麻黃

各五分

五味子

甘草

各三分

右細切作一服加生姜三片水一盞半煎至一盞溫服

愚按此方曰病後火熱乘肺麻黃其可用乎曰渴而煩悶半夏亦不可用也宜去此二味加具母天門冬方爲穩當

辛

○施子仁湯治發熱潮熱發狂煩躁面赤咽痛

施子仁

赤芍藥

大青

知母

各五分

升麻

黃芩

石膏

各一錢

杏仁

七分半

柴胡

二錢

生甘草

一錢

豆豉

五十粒

細

右切水二盞煎八分去粗溫服

○

當歸龍薈丸治腎水陰虛風熱蘊積時發驚悸筋惕搐搦神

昏不寧榮衛壅滯頭目昏眩肌肉瞤瘈膏膈咽嗑不利腸

胃燥泄躁擾狂越罵詈驚駭火熱等証

當歸

草龍膽

梔子

黃連

黃柏

黃芩

各一兩

大黃

青代

蘆薈

各半

木香

一錢

射香

五分

右爲細末煉密丸如小豆大每服三十九姜湯送下

○三黃丸治三焦火盛消渴不生肌肉

大黃

黃連

黃芩

右爲細末煉密丸如小豎大每服五丸漸加至十丸白湯送下服至一月行及奔馬

丹溪活套云凡去上焦濕熱須酒洗黃芩以瀉肺火如肺有實熱宜用如虛熱而用黃芩則傷肺氣須先用天門冬保定肺氣然後用之○如去中焦濕熱與痛須用黃連以瀉心火若中焦有實熱宜用若脾胃氣虛不得轉運及中焦有鬱熱者當用茯苓白朮黃芩葛根代之○如胷中煩熱須用梔子實熱者切當若虛煩須用補藥爲主人參白朮黃芩芍藥茯苓麥門冬大棗之類如下焦有濕熱腫痛併臍胱有火邪者須用酒洗防己草龍膽黃柏知母之類固

是捷藥若肥白人氣虛者宜用白朮蒼朮南星滑石茯苓
之類○如黑瘦之人下焦有濕熱腫痛者必用當歸紅花
菴仁牛膝枳殼等藥○柴胡瀉肝火須用片苓佐之片苓
又能瀉肺火須用桑白皮佐之若鼠尾者能瀉大腸之火
○黃連瀉心火若用猪膽汁拌炒更以草龍胆佐之大能
瀉膽中之火○白芍藥瀉脾火若冬月用必以酒浸炒蓋
其性之酸寒也○知母黃柏瀉腎火又瀉膀胱之火○梔
子瀉三焦之火在上中二焦連殼用在下焦須去壳水洗
去黃漿炒焦色研細用之入中白非獨瀉肝火又能瀉三
焦火及膀胱之火從小便中出蓋膀胱乃此物之故道也
○祖傳經驗秘方人中白散治陰虛火盛其五心煩熱等証

人中白

黃柏

鹽酒拌
煨過色

生甘草

青代

各五錢

奪

右爲細末每服二錢童子小便調服

○駱氏婦年四十餘夜間發熱早晨退五心煩熱無休止時半
年後求予治六脉皆數伏而且牢浮取全不應予與東垣
升陽散火湯四貼而熱減大半宵中覺清快勝前再與二
貼熱悉退後以四物湯加知母黃柏少佐以炒乾姜服二
十餘貼全安

壽証十

論

內經曰木鬱達之火鬱發之土鬱奪之金鬱泄之水鬱折之
張子和曰木鬱達之謂吐之令其條達也火鬱發之謂汗之
令其疎散也土鬱達之謂下之令無壅礙也金鬱泄之謂滲
泄解表利小便也水鬱折之謂抑之制其衝逆也此治五鬱

之大要耳我丹溪先生觸類而長之而又看爲六鬱之証所謂氣血冲和有病不生一有怫鬱諸病生焉此發前人之所未發者也夫所謂六鬱者氣濕熱痰血食六者是也或七情之抑遏或寒熱之交侵故爲九氣怫鬱之候或雨濕之侵凌或酒漿之積聚故爲留飲濕鬱之疾又如熱鬱而成痰痰鬱而成癖血鬱而成癥食鬱而成痞滿此必然之理也又氣鬱而濕滯濕滯而成熱熱鬱而成痰痰滯而血不行血滯而食不消化此六者皆相因而爲病者也是以治法皆當以順氣爲先消積次之故藥中多因香附撫芎之類至理存焉學者宜知此意

脉法

脉多沉伏

氣鬱則必沉而濡濕鬱則脉必沉而緩熱鬱則

必沉數痰鬱脉必弦滑血鬱脉必乾而結促食鬱脉必滑而
緊盛鬱在上則見于寸鬱在中則見于關鬱在下則見于尺
左右亦然脉或結或促或代

滑氏診家樞要曰氣血食積痰飲一有留滯於其間脉必因之而止歟矣但當求其有神何害之有夫所謂有神者即經所謂有中氣也

方

法凡冊八條方法

丹溪曰氣血冲和百病不生一有悖辭諸病生焉其証有六

曰氣鬱曰濕鬱曰熱鬱曰痰鬱曰血鬱曰食鬱

氣

香附此味
童便

能橫行膏肓間必用
浸焙乾用石凡燥

蒼朮

撫芎

即蕤蕤兮弱面頭小兒也
氣脉上行故能顯露也

濕鬱

戴氏曰周身走痛或問即痛逆陰寒則發脾沉

蒼朮

白芷

川芎

茯苓

熱鬱

戴氏曰日鬱小便赤脉沉數

梔子

青代

香附

蒼朮

撫芎

痰鬱

戴氏曰動則喘寸口脉流滑

海石

香附

南星

瓜蒌子

血鬱

戴氏曰四肢無力能便紅脉流

菴仁

紅花

青代

川芎

香附

食鬱

戴氏曰熱腹脹不能食左寸脉平和右寸脉緊盛

香附

蒼朮

山查

神麴

針砂

或保和丸

諸藥加防風夏加苦參秋冬加薑棗

凡藥在中焦以蒼朮撫芎開提其氣以升之假令食在氣上

氣升則食降餘做此

○越麴丸

越音戈麴麴也一名弓木丸

能解諸鬱

神麴炒

香附

童便浸一宿

蒼朮

川芎

越麴炒

右爲細末水丸藁豈大每服五七十九溫水下

○生韭飲治食鬱久則胃脘有瘀血作痛大能開提氣血

生韭葉

一握搗取自然汁一盞

右先以生茱仁連皮細嚼十數箇後以韭汁送下

○六籌湯解諸鬱

陳皮

去白一錢

半夏

湯泡七次

蒼朮

米泔浸

撫芎

各錢

赤茯苓

梔子

炒各七分

香附

二錢

甘草

炙半錢

砂仁

研碎五分

右細切作一服加生姜三片水二盞煎至一盞溫服○如氣鬱加烏藥木香枳殼紫蘇乾姜倍香附砂仁○如濕鬱加白朮倍蒼朮○如熱鬱加黃連倍梔子○如痰鬱加南星枳殼小皂莢○如血鬱加桃仁紅花牡丹皮○如食鬱加山楂神麴麥月蛭

○升發二陳湯治痰鬱火邪在下焦大小便不利此藥能使大便潤兒小便長

陳皮

去白一錢

半夏

一錢半

茯苓

一錢

甘草

半錢

撫芎

一錢

升麻

防風

柴胡

各半錢

右細切作一服加生薑三片水一盞半煎至一盞溫服

○升陽散火湯治熱鬱

○火鬱湯

三方並見火門

一男子年二十九三月間房事後騎馬渡溪遇深淵沉淪幸得馬健無事連濕衣行十五里抵家次日憎寒壯熱肢節煩疼似癰飛墜之狀一醫作虛証治而用補氣血藥服目餘不効又易一醫作勞瘵治用四物湯加知柏地骨皮之類及丹溪大補陰丸倍加紫河車服至九月反加滿悶不食乃顧倩有乳婦人在家止吃人乳汁四五杯不吃米粒召予診視六脉皆洪緩重按若牢右手爲甚予作濕鬱處治用平胃散倍蒼朮加半夏茯苓白朮川芎香附木通砂仁防風羌活加姜煎服黃昏服一貼一更時又進一貼至半夜遍身發紅丹如癰疹片時遂沒而大汗索粥與稀粥二碗由是請病皆減能食仍與前方服三貼後以茯苓滲濕湯倍加白朮服二十餘貼平安

痰飲十一

論

內經曰諸氣膹鬱皆屬肺金蓋肺氣鬱則成熟熱盛則生痰
丹溪曰自然成積自積成痰痰挾瘀血遂成窠囊此爲痞爲
痛爲噎膈翻胃之次第也王隱君曰痰証古今未詳方書雖
有懸飲留飲支飲痰飲諸飲之異而莫知其爲病之源或頭
風目昏眩運耳鳴或口眼蠕動肩掣耳輪癢痒或四肢遊風
腫硬似痛非痛或爲齒頰痒痛牙床浮腫而痛痒不一或噎
氣吞酸嘈雜嘔噦或咽嗑不利咯之出嚥之不下色似煤始不
形刑如破絮挑膠蠅肉之類或心下如停冰雪心頭冷痛時作
或夢寐奇怪鬼魅之狀或足腕疼軟腰背卒痛或四肢骨節
煩疼並無常所乃至手麻臂痛狀若挫閃或脊中每有一掌

如水凍之寒痛者或渾身習習如虫行者或眼沿澁痒口糜
舌爛甚爲喉閉等証又或透項結核似瘰非瘰或膏腹間如
有二氣交紐噎塞煩悶有如煙氣上衝頭面烘熱或爲失志
顛狂或爲中癰瘕或爲勞瘵荏苒之疾或爲風痺及腳氣之
候或心下怔忡驚悸如畏人將捕或喘嗽嘔吐或嘔冷涎綠
水黑汁甚爲肺癰腸毒便膿牽跛其爲內外疾病非止百端
皆痰之所致也蓋津液旣凝爲痰爲飲而洶湧上焦故口燥
咽乾流而之下則大小便閉塞面如枯骨毛髮焦乾婦人則
經閉不通小兒則驚癇搐搦治法宜先逐去敗痰然後看虛
實調理故製沉香滾痰丸爲通治三焦痰飲之要藥也愚竊
以其論証固詳不問虛實而以一峻藥攻之恐未中乎肯綮
也與蓋資稟有厚薄病有淺深一或失手何以收救故冊

溪有曰治痰用利藥過多致脾氣虛則痰反易生而多矣又曰中焦有食積與痰而生病者胃氣亦賴所養卒不可便攻攻盡則愈虛而病劇夫滾痰丸止可投之於形氣壯實痰積膠固爲病者若氣體虛弱之人決不可輕用也慎之慎之

脉法

要畧云脉雙弦者寒飲也

或大下後善虛

其脉偏弦者飲也○肺飲不弦但若喘短氣

又云脉浮而細滑者傷飲○脉弦數有寒飲春夏難治

脉沉而弦者懸飲內痛

其人短氣四肢歷節走痛脉沉者有留飲

陳無擇云飲脉皆弦微沉滑

上

或云左右手關前脉浮弦大而實者膈上有稠痰也宜吐之

而愈

病人百藥不効關上脉伏而大者痰也眼胞及眼下如炭煙薰黑者亦痰也

丹溪曰久得瀉脉痰飲膠固脉道阻澁也卒難得開必費調

方法

丹溪方法
九十六條

丹溪曰有熱痰有濕痰有酒痰有食積痰有風痰有寒痰有老痰

○熱痰用青黛黃連及用青礞石丸最捷

○濕痰身多軟而重用蒼朮白朮又曰濕痰用黃芩香附半夏具母熱痰加瓜蒌青黛

○酒痰用瓜蒌青黛蜜酒化

○食積痰用神麴麥并山查或化痰丸消積藥攻之

○風痰用南星白附子

○寒痰用半夏

盧氏註口凝結清冷其於若寒非寒也然亦有溫藥者蓋寒因熱用使引導先得益也

○老痰用海石香附半夏瓜蒌五倍子一云五倍子佐他藥大

治頑痰

○痰結核在咽喉嗽而不能出化痰藥加醃能軟堅之味瓜蒌

仁杏仁海石桔梗連翹少佐以朴硝姜汁蜜丸噙化

○痰在脇下非白芥子不能達痰在四肢非竹瀝不行痰在腸

胃間可下而愈痰之爲物隨氣升降故無處不到

○肺浮當吐痰在膈上必用吐膠固稠濁必用吐痰在經絡中

非吐不可吐中就有發散之義

○凡吐法宜先升提其氣用防風山梔枳芎桔梗芽茶生薑之

類或就此藥擦吐吐時須先以兩脅腰腹而於不通處

處行之

○吐法用蘿蔔子半升搗和以漿水一碗去粗入火油與蜜溫服或用鰕半斤入醬葱姜等物料水煮先吃鰕後飲汁少時以鵝翎探吐其鵝翎須先以桐油浸而以皂角水洗晒乾待用如服瓜蒂藜蘆等藥不用探法自吐

○凡虛弱人中焦有痰胃氣亦賴所養卒不可便攻攻盡則愈虛治疾用利藥過多致脾氣虛則痰反易生而多

○許學士用蒼朮治痰挾痰血成窠囊行痰極効

即神木也

○油炒半夏大治濕痰又治喘心痛粥丸生姜湯下

○燥濕痰星下丸

南星

半夏 各一兩

海蛤粉 三兩

右爲細末姜汁浸蒸餅爲丸青黛爲衣如梧桐子大每服

三十五丸姜湯送下

○中和丸治濕痰氣熱

蒼朮

黃芩

半夏

香附

各等分

右爲細末姜汁調神麴糊爲丸如梧桐子大每服五七十丸白湯送下

○小胃丹上可取膏膈之痰不可利腸胃之痰能損胃不食胃氣虛而少食者不可用

甘遂

麩裹煨熱去麩

大戟

長流水煮一時許洗淨曬乾用

芫花

醋拌經宿炒去黑勿焦

已上各一两重

大黃

酒拌濕紙裹煨熟倍乾再以酒炒開一兩五錢

黃柏

炒褐色

右爲細末粥丸麻子大每服十九丸溫湯送下

○墜痰丸能利痰從穀道中出

風化硝

枳實楚城黃色

黑牽牛

取頭末五錢

生白礬

三錢

猪茅皂角

去皮弦酥炙黃三錢

一本有具母錢三

右爲細末羅腹汁丸如梧桐子大每服五十九白湯下

鷄鳴時服先見尿次見痰

古方無硝枳而用水九分兩亦不同

○青礞石丸能化痰降痰一云治食積去濕痰

風化硝

三錢益爭者冬月以絹袋盛懸風前化之

扶苓

南星

慢火烘裂

青礞石

敲碎如散子大以煨硝同入鍋煨黃

半夏

湯泡七次去皮

黃芩

各五錢

右爲細末神麴糊入姜汁爲丸如梧桐子大每服三五

丸姜湯送下此藥重在風化硝○一方加蒼朮五錢滑石

一兩○一方無南星有白朮○一方有枳實倍青礞石

○枳實瀉痰能衝墻倒壁黃芩治痰假其下火也天花粉大能

降上膈熱痰海粉熱痰能降濕痰燥頑痰能消

人中黃飯丸如藁豈大每服十數丸白湯送下能降陰火清痰又治食積

○痰因火盛逆上治火爲先白朮黃芩石膏之類

○凡久病陰火上升津液生痰不生血宜補血制相火其痰自除血藥必用姜汁傳送

○痰成塊吐咯不出氣鬱滯者難治

○脾虛者清中氣二陳湯加白朮之類兼用提藥

○實脾土燥脾濕是治其本

○二陳湯一身之痰都嘗治痰之要藥也欲下行加引下藥上行加引上藥引上藥胡升麻防風之類引下藥黃柏木通防已之類文曰二陳加升提之藥能便大便閉而小便長

陳皮去白

半夏

湯泡七次二錢

茯苓

甘草

半錢

方

○導痰湯治風濕痰等証

半夏

二錢湯泡七次

南星

煨裂

橘紅

去白

枳殼

煨裂黃色

甘草

炙

茯苓

各一錢

方

○千縉湯治風痰壅盛

半夏

湯泡七次七箇四分

皂角

一寸去皮炒黃

甘草

炙一寸

方

○利膈化痰丸

南星

煨裂

蛤粉

半夏

湯泡

貝母

去心

瓜蒌仁

去壳

香附

童便浸去毛

皂角

去皮

杏仁

去皮炒

青黛

分

右以前六味研爲細末却以皂角杵碎煎濃汁攪杏仁如泥再以姜汁和蒸餅爲丸如藁苳大青代爲衣每服五十丸姜湯送下

○滾痰丸治濕熱食積成窠囊老痰

大黃

酒拌

黃芩

去括各半斤

沉香

五錢

礞石

硝煨黃金色一兩

右爲細末滴水爲丸如梧桐子大每服三五十丸量人強弱加減丸數

○神木丸治痰飲

蒼朮

一斤米泔浸

生芝麻

五錢用水二小盞研細取漿

大棗

十五枚研細

右以蒼朮焙乾爲末然後以芝麻漿及棗肉和勻丸如梧桐子大每服五七十丸溫湯下

東垣

○黃芩利膈丸除胃中熱利膈上痰

主黃芩

炒黃芩

各一兩

半夏

澤瀉

黃連

各五分

天南星

煨裂

枳殼

麩炒

陳皮

去白各三錢

白朮

二錢

白礬

分

為

右為細末湯浸蒸餅入姜汁如丸如梧桐子大每服三五

○蠲飲枳實丸逐飲消痰導滯清膈

枳實

麩炒

半夏

泡

陳皮

去白

黑丑

半取頭三兩

右為麩糊為丸如梧桐子大每服五十丸姜湯下

○十棗湯治懸飲內痛

芫花

甘遂

大戟

各等分

右為細末以水一升半煮大棗十枚至八合去粗調藥末強

辛

人一錢弱人半錢平旦服之不下更加五分下後以糜粥調養之河間曰芫花之心以散飲二物之苦以泄水其甘遂直達水氣所結之處乃泄水之之聖藥也然亦有大毒人畏者不可輕用

○三花神祐丸治一切濕熱沉積痰飲變生諸病或風熱燥鬱支體麻痺走注疼痛風痰涎嗽氣血壅滯不得宣通等証人壯氣實者可服

甘遂

大戟

芫花

醋拌濕炒各半兩

黑丑

二兩取頭味

大黃

一兩

輕粉

一錢

右爲細末滴水爲丸如小菰大初服五丸每服加五丸溫水下日三服如至快利後須服至病根盡除爲度痞悶極甚者若便多服則煩攻不開轉加痛悶則當初服二丸

痛

臨

附可

每服加二九至快利即止

骨章

○控涎丹治患膏背脇頸項及手足腰膝隱痛不忍筋舉引釣痛時時走易乃是痰涎在膏肓間隨氣升降於經絡中作變而然或手足冷痺氣脉不通誤認爲癱瘓者

甘遂

去心

大戟

去皮

白芥子

主上氣發汗
膏肓有冷痰

右件各等分爲細末糊丸如梧桐子大每服五十丸淡姜湯下食後卧服量病人虛實加減丸數一方名妙應丸治驚痰加硃砂爲衣痛甚者加全蝎酒痰加桂黃全蝎驚氣痰成塊者加穿山甲鱉甲玄胡索蓬莪木臂痛加木鱉子霜桂心熱痰加盆硝寒痰加丁香胡椒肉桂

半夏丸治肺熱痰嗽

瓜蒌仁

研

半夏

湯泡七次去皮
焙乾各一兩

右爲細末和勻姜汁打糊爲丸服

○取竹瀝法

大治熱痰及能養血清熱有痰嗽不省人事幾

死者得竹瀝灌之遂甦誠起死回生藥也

用水竹早筆竹

俗名雷竹蘇東坡曰淡竹苦竹爲文耳除苦竹之外皆淡竹也我冊溪先生存口只

用此二竹蓋取其爲諸竹

中之最淡者以其質味之甘淡也

截長二尺許每段劈作四片以薄磚二塊排定將竹片架於磚上兩頭露一二寸下以烈火迫之兩頭以盆盛瀝六分中加姜汁一分服之痰熱甚者止可如半分耳

○取荆瀝法

能治熱痰功勝竹瀝但不補耳

○丹溪活套云二陳湯一身之痰無所不治但在上加引上藥

在下加引下藥如偏頭痛在右本方加川芎白芷防風荆

芥薄苛升麻之類在左本方合四物湯亦加防風荆芥薄
苛細辛蔓荊子柴胡酒片蒼之類頂痛者本方加川芎梔
本升麻柴胡蔓荊子細辛薄苛等藥如痰在腰膝膝下腫
痛本方加蒼朮防己木通黃柏軍薛川牛膝之類○如痰
在膏腹中作痛或痞滿本方加白朮神麴麥芽砂仁之類
○如痰在脇下作痛或漉漉有聲本方加柴胡青皮川芎
芍藥之類○如痰在經絡中或膏背手足臂膊作痛者在
上加防風羌活威靈仙在下加防牛膝木通之類冬月加己
烏附行經○如風痰壅盛喘急咳嗽不寧本方加防風羌
活南星枳殼皂角之類○如熱痰爲病腹脹喘滿本方加
黃芩黃連梔子瓜蒌子滑石石膏竹瀝之類○如濕痰身
重倦怠本方加蒼朮白朮南星之類○如酒痰本方加葛根

枳殼砂仁神麴麥芽之類○寒痰本方加乾姜附子益智
草苴麴之類○氣痰本方加木香枳榔砂仁枳殼烏藥香
附之類○燥痰本方加瓜蒌仁杏仁貝母五味子之類○
陰虛咯血咳嗽本方加天門冬麥門冬知母黃柏貝母款
冬花紫苑馬兜鈴之類○如痰在中焦作噯氣吞酸胃脘
當心而痛或嘔清水惡心等証本方多加白朮蒼朮神麴
麥芽川芎砂仁草苴麴枳實猪苓澤瀉黃連吳茱萸梔子
仁木香枳榔之類作丸服之

梅

○予姪婦何氏在室時四月間因多食青毒得嘔飲病日間
膈中大痛如刀錐至晚宵中痛止而膝胛大痛蓋痰飲隨
氣升降故也一醫作胃寒治用乾姜良姜官桂烏附丁沉
輩及炙胡椒粥間與病日劇加之口渴小便淋瀝求予治

診其六脉洪數而滑予作清痰處治令其急煮竹瀝服三
日口不渴小水亦不淋澀但胸中與脘互痛如舊用羅蔔
子汁研與半碗吐痰半升許至夜痛尤甚而痢政丹溪所
胃引動其猖狂之勢耳次日用人參蘆一兩逆流水煎服
不吐又次日與若參煎湯服又不吐又與附子大桔梗苒
皆不吐一日清晨蘆末一錢入射香少許酸漿水調與
始得大吐至次日天明吐方定前後得頑痰及稠飲一小
桶許其痛如脫後以軟粥將理而安

如前證
謂

河

論

咳嗽十二

內經曰五藏六腑皆令人欬非獨肺也皮毛者肺之合也皮毛先受邪氣邪氣以從其合也五藏之欬河父乃移於六腑間曰欬謂無痰而有聲肺氣傷而不清也嗽謂無聲而有痰脾濕動而生痰也咳嗽謂有痰而有聲蓋因傷于肺氣動于脾濕欬而爲嗽也脾濕者秋傷于濕積于脾也故內經又曰秋傷于濕冬必欬嗽大抵素秋之氣宜清肅反動之氣必上衝而爲欬甚則動于脾濕發而爲痰焉又曰寒暑燥濕風火六氣皆令人欬惟濕病痰飲入胃留之而不行止入于肺則爲咳嗽假令濕在心經謂之熱痰濕在肝經謂之風痰濕在肺經謂之氣痰濕在腎經謂之寒痰爲患不同宜隨証而治

之是故欬而無痰者以辛甘潤其肺夫欬治欬嗽者當以治
痰爲先治痰者必以順氣爲主是以南星半夏勝其痰而咳
嗽自愈枳殼橘紅利其氣而痰飲自降痰盛而能食者小承
氣湯微下之痰盛而不能食者厚朴湯疎導之夏月嗽而發
熱者謂之熱嗽小柴胡加石膏知母冬月嗽而發寒熱謂之
寒嗽小青龍湯加杏仁此治法之大要也學者不可不知

脉法

關上脉微爲欬

肺脉微急爲欬而唾血

脉弦濡而欬爲少血

脉槩者爲肺寒

双弦者寒

脉浮而槩者爲虛寒

脉浮而緩者傷風脉細者濕

脉數爲熱

脉沉數爲實熱

脉弦爲水

偏弦爲飲

脉沉爲留飲

洪滑多痰

欬脉浮直者生

脉浮濡者生

脉緊者死

沉小伏匿者死

欬而羸瘦脉堅大者死

欬而脫形發熱脉小堅急者死

凡肌瘦脫形熱不去欬嘔腹脹且泄脉弦急者皆死証也

方法

用漢方法
凡六條

丹溪曰欬嗽有風寒有火有勞有痰有肺脹

○風寒者舉發散行痰二陳湯加麻黃杏仁桔梗之類

戴氏曰風寒者鼻
塞聲重惡寒是也

○風寒鬱熱于肺夜嗽者三拗湯加知母脉大而浮有熱加

黃芩生姜

○寒嗽古方有以生姜切作薄片焙乾爲末糯米糊爲丸如

芥子大空心清米飲下三十丸

○聲嘔爲寒

寒包勢也此言感寒而救者

宜細辛半夏生姜辛以散之

○風入肺久嗽者用鵝管石雄黃蔚金欬冬花爲末以生姜

一片置舌上以藥末拌艾於姜上灸之取烟入喉中愈

一方有南星佛耳草無蔚金

北即烟筒法小異

○治嗽煙筒用鵝管石雄黃欬花佛耳草爲末以鷄子清刷

帛上捲藥末作筒燒煙以口啣吸煙入喉姜湯送下

○喘嗽遇冬則發此寒包熱也解表熱自除

枳殼

桔梗

各一錢

麻黃

防風

甘草

陳皮

紫蘇

木通

黃芩

各等分

如嚴寒去黃芩加杏仁半錢

○感冷則嗽肺上有痰二陳湯加炒殼黃芩桔梗蒼朮麻黃

枳

木通生姜

○火者主降火清金化痰黃芩海石瓜蒌青代桔梗半夏香

附訶子青皮之類

戴氏曰有聲痰火面赤是也

蜜丸嚥化

○乾咳嗽者係火鬱之甚難治乃痰鬱火邪在肺中用若梗以開之下用補陰降火不已則成勞須行倒倉法此証不得志者有之

○有痰因火逆上者必先治火然亦看痰火孰急若痰急先治痰而後降火也

○勞者主補陰清金四物湯加竹瀝姜汁

戴氏曰盜汗出熱多作寒熱是也

○陰虛火動而嗽四物合二陳順而下之

知母黃柏

○陰虛喝嗽或吐紅者四物湯加知母黃柏五味子人參

門冬桑白皮地骨皮

○好色之人元氣虛弱咳嗽不愈瓊玉膏最捷

○肺虛甚者人參膏以生姜陳皮佐之有痰加痰藥此好色賢虛者有之

○久嗽勞嗽用具母知母各一两以巴豆同炒黃色去巴豆并用白礬白芨各一两為末以生姜一片蘸藥臨時噙化藥盡嚼姜嚥之麥門冬陳皮阿膠珠各等分蜜丸噙化又方有人參五味子

○咳嗽聲嘶者乃血虛受熱用青代蛤粉蜜調服之

○醫說內一方治痰嗽用蚌粉新瓦上炒通紅拌入青代許以淡薑水滴入麻油數點調服

○痰者主豁痰

蘇氏曰動便有痰出痰止是也

○痰嗽用半夏瓜蒌子各五兩具母桔梗各二兩知母一两枳

殼一兩半爲細末生薑汁浸蒸餅爲丸服

○一方黃芩一兩半酒洗白朮手去殼滑石各五錢貝母南星各一兩風化硝二錢半姜汁浸蒸餅爲丸青代爲末

○痰多喘嗽白朮半夏蒼朮香附杏仁各一兩黃芩五錢爲末姜汁調麪糊爲丸服

○痰嗽因酒傷肺瓜蒌杏仁

恨并如泥

黃連爲末以竹瀝入紫蘇葉

煎再入韭汁調丸服

○一方用青代瓜蒌蜜丸噙化以嗽

○久嗽有積痰留肺腕中如膠氣不能升降或挾濕與酒而作

茜根

俗名過山龍童便浸

僵蚕炒海粉瓜蒌仁蜂房杏仁神麪爲末

姜汁竹瀝調噙化

○痰嗽氣急蒼朮三兩香附一兩半蘿菔子蘇杏仁瓜蒌仁半

夏各一兩黃芩扶苓各五錢用薑三錢丸服

○嗽而有痰宜灸天突穴肺腧穴以泄火熱瀉肺氣

○食積痰嗽發熱半夏南星爲君瓜蒌蘼腹子爲臣青代海石
石礬爲使姜汁浸蒸餅丸服

○食積痰嗽三補加二母炒爲末丸如椒核大以竹瀝藕汁吞
之三補李連栢也
二母知其母也貝

○肺脹者主收欬戴氏曰動則喘滿
氣急自重者是也

肺因火傷極逐成鬱過脹滿用訶子爲君佐以海粉香附青
代杏仁之類

○肺脹抑遏不得眠者難治

○凡嗽春是春升之氣夏是火炎於上秋是濕熱傷肺冬是風
寒外束用藥發散之後必以半夏等藥逐去其痰庶不一作

○早晨嗽多者此胃中有食積至此時火氣流入肺中以知母

地骨皮降肺火。上半日嗽多者，胃中有火，知母石膏降之。

午後嗽多者，屬陰虛。四物湯加知母、黃柏先降其火，黃昏乘嗽多者，火氣浮爲肺不宜用涼劑，以五味五倍斂而降之。

○嗽而脇痛，宜以青皮疎肝氣，後以二陳湯加南星、香附、青代姜汁。○一云實者白芥子之類。

○嗽而心煩不安，六一散加辰砂服。

○嗽而失聲，潤肺散。

訶子肉 五倍子 五味子 黃芩

甘草 各等分 右爲細末，蜜丸噙化。

○嗽而無聲有痰。

半夏 白朮 五味子 防風

枳殼 甘草

○嗽而有聲無痰

生姜

杏仁

五味子

升麻

防風

桔梗

甘草

○嗽而有聲有痰

白朮

半夏

五味子

防風

枳

久不愈加敲阿膠珠

○寒熱交作而痰嗽者小柴胡加知母之類一方加白芍藥五

味子桑白皮

○陰氣在下陽氣在上咳嗽嘔吐喘促瀉白散加青皮五味子

人參茯苓粳米

○熱嗽胃滿小陷胃湯

方見傷寒門

○治嗽切藥五味子湯

五味子

五倍子 甘草 二錢半

五倍子

風化硝 各一錢

右爲末蜜丸噙化或用訶子百藥煎荊芥穗蜜丸噙化

○治嗽最要分肺虛肺實若肺虛久嗽宜五味子款冬花紫苑馬兜鈴之類補之若肺實有火和宜黃芩天花粉桑白皮杏仁之類以瀉之

○東垣曰治嗽必用五味子爲君然有外和者驟用之恐閉住其和氣必先發散之而後用之可也

○治嗽用訶子味酸若有收斂降火之功五味子收肺氣乃火熱必用之劑杏仁散肺氣風熱然肺實有熱因於寒者爲宜桑白皮瀉肺氣然性不純良用之多者當戒

或用馬兜鈴以其去肺熱補肺也多用生姜以其辛能發散也瓜蒌子能補肺潤能降氣膏中有痰者以肺受火

漢州

逼失降下之令今得甘緩潤下之助則痰自降宜其爲治嗽之要藥也

○瓊玉膏治虛勞乾咳嗽

人參

十二兩

白茯苓

去澤者二十五兩

白砂蜜

五斤煎滯去末

生地黃

去澤者十斤洗淨銀石器內許細取自然汁大條鉄器

沉香

五錢

琥珀

五錢

臞仙曰今予所製此方加沉香琥珀二味其功效

異於世傳之方

右以人參茯苓沉香琥珀俱爲細末先將地黃汁與白沙蜜攪勻用蜜絹濾去細粗入藥末攪勻入好磁瓶或銀瓶內用綿紙十數層外加箭筈包封扎瓶口入砂鍋內或銅鍋內以長流水浸沒瓶頸用桑柴文武火煮三晝夜取出換蠟帛數重包扎瓶口浸沒井中半日以出火毒提起仍入前鍋內煮

漢書

半日以出水氣然後收藏每日清晨及午前後取一二匙用溫酒一盞調服不飲酒人白湯亦可此法須用不聞雞大聲處煨煉之及不許孝子婦人見之

人參

欵冬花

桑白皮

桔梗

阿膠

炒成珠子

五味子

各一錢

烏梅

一個

具母

半錢

瞿粟

文夫讓帶蓋安炙二錢

右細切作一服加生姜三片水二盞煎至一盞溫服

方局

○三拗湯治風寒咳嗽喘急

麻黃

根不去

甘草

生用

杏仁

不去皮尖另研細各一錢半

右細切作一服加生姜五片棗二枚水一盞半煎至一盞

溫服痰滑乃止

方局

○溫肺湯治肺感寒和咳嗽吐痰

半夏

泡

陳皮

去白

五味子

乾姜

桂心

各五分

杏仁

去皮炒研

北細辛

阿膠炒成珠

甘草

炙各二分半

右細切加生姜三片大棗二枚水一盞半煎至一盞去粗

溫服

愚按此方乃冬月寒冷之時獨胃寒和布未鬱熱者極効如久飲腎熱者切不可用

○杏蘇飲治上氣喘嗽面目浮腫

紫蘇葉

七分

五味子

大腹皮

酒洗

烏梅肉

杏仁泥

各五分

陳皮

去白

桔梗

麻黃

去根節

桑白皮

炙

阿膠珠

各二分半

紫苑茸

三分

甘草

炙二分

右細切加生姜五片水一盞半煎至一盞溫服

丹溪活套云二陳湯治咳嗽去痰伐病根之藥也除陰虛血

方局

虛火盛乾咳嗽者勿用○如血虛有痰者本方合四物湯加
五味子麥門冬瓜蒌仁之類○如傷風邪咳嗽本方加南星
枳殼防風荆芥前胡細辛全覆花之類○如傷寒邪咳嗽本
方加麻黃杏仁桔梗乾姜桂枝之類○如傷熱邪咳嗽本方
加黃芩薄荷知母石膏桔梗之類○如先傷風寒鬱熱久嗽
不已欲成勞者本方加知母貝母款花紫苑五味子天麥二
門冬馬兜鈴當歸生地黃之類○如傷風寒喘嗽並作本方
加麻黃杏仁防風荆芥枳殼桑白皮桔梗地骨皮紫蘇之類
○如咳嗽聲嘶引兩脇痛不可忍者本方加芎歸芍藥青皮
柴胡章龍胆黃芩竹筴之類○如年久喘嗽遇風寒則發
作者本方加紫苑款花桑白皮杏仁五味子知母石膏之類
○不問風寒鬱熱勞嗽久嗽者先服麻黃杏仁防風

等藥病雖退減而病根未除者本方加栗殼烏梅阿膠五味
子瓜蒌仁之類可一服而愈○凡諸嗽須分氣虛氣實新久
用藥如新咳嗽挾虛者可用人參風寒邪盛者亦不可用如
久嗽已鬱熱者坊不可用人參反增喘滿嗽劇如肺虛久嗽
加五味子欬冬花紫苑茸馬兜鈴之類以補之若肺實而有
火邪者宜桑白皮片黃芩天花粉杏仁枳殼桔梗之類以瀉
之

○祖傳經驗潤肺除嗽飲治遠年咳嗽如神

人參

杏仁

生甘草

薄荷

各三分

五味子

九粒

欬花

紫苑茸

麻黃

陳皮

去白

石膏

粉

桔梗

半夏

桑白皮

蜜炙

枳殼

麩炒

烏梅

栗殼

去穢蜜炙
各五分

右細切加生姜三片細茶一撮水一盞半煎至一盞服

○祖傳三聖丹治久嗽極効

天南星

煨裂

半夏

湯泡七次二兩

甘草

生用

半兩

先以星夏二味研爲細末用生姜自然汁拌勻盪作麴春
秋七日冬十日夏五日取出再同甘草共研爲細末別取
淡竹瀝一碗將前藥末用竹瀝拌攪作餅子焙乾又將竹
瀝沃濕又倍乾如此沃焙十數次待竹瀝盡爲度研爲極
細末用白沙蜜調如餡每臨臥抄一時於口內噙化下再
用竹瀝漱口熱之

哮喘十三

論

的經曰諸逆衝上皆屬於火又曰扶起如故而息有音者

此肺之絡脉逆也。河間曰：火氣甚爲夏熱，衰爲冬寒，故病寒則氣衰而息微，病熱則氣盛而息麤。又寒水爲陰，主乎遲緩；熱火爲陽，主乎急數。是以寒則息遲，氣微，熱則息數，氣麤。而爲喘也。大抵哮喘以聲響名，喘以氣息言。夫喘促喉中如水鷄聲者，謂之哮喘；氣促而連屬，不能以息者，謂之喘。雖然，未有不由痰火內鬱，風寒外束而致之者。與外有陰虛發喘，氣從臍下起直衝清道而上者，又有氣虛發喘而短氣，不能以接續者是。故知喘之爲証，有實有虛。治法天淵之隔者也。若夫損不足而益有餘者，鑒殺之耳。學者不可不詳辨焉。

脉法

○喘急脉滑而浮者生

滿而數者死

○脉宜浮遲不宜急痰數

脉数有熱喘咳吐血上氣不得卧者死

上氣面浮腫有息脉浮大不治又加刺尤甚

上氣躁而喘者爲肺脹欬作風水發汗則愈一云欬而上氣肺脹其脉沉心下有水氣也

要畧千金外臺沉作浮

寸口伏育中有逆氣尺寸俱沉關上無有者苦心下喘

方法

冊溪方法
九十四條

綱

丹溪曰喘急者氣爲火所鬱而罰痰在肺胃也有痰者有火
炎者有陰虛自小腹下火起而上逆者有氣虛而致氣短
而喘者

○哮喘專主於痰宜用吐法亦有虛而不可吐者謹之

○治哮喘必使薄滋味不可純用寒涼藥必兼散表

戴氏曰痰者凡喘便有痰聲火炎者乍進乍退得食則喘大槩胃中有實火喘生有調痰得食喘下其痰喘上

暫止補久食已入胃反助其火痰再升上喘反大作俗不知此作胃虛治以燥熱之藥以大濟大也昔藥師曾患此証諸醫作胃虛治之不愈後以導水丸利五六次而安氣短喘息者呼吸急促而無痰聲又有胃虛喘者握臂格壯常而不休者是也

○痰者降痰化氣爲主 火炎者降心火清肺金 陰虛痰喘

者補陰降火四物湯加枳殼半夏一云陰虛氣喘四物湯加陳皮甘草些少以降氣補陰白芍藥須以酒浸日乾焙

○氣虛發喘以參芪補之而愈

○凡人喘未發時以扶正氣爲主已發以攻邪爲主

○火急甚者不可用苦寒藥火盛故也宜溫劫之劫藥用椒目五七錢研爲極細末生姜湯調服喘止之後因痰治痰因火治火

○千縉湯治痰喘不得卧人扶而坐數日一服而安

方見痰門

○一方用導痰湯合千縉湯服

○一方用雞膽子二兩蒸熟皂角五錢燒存性瓜蒌仁海粉南

星

用白礬一錢半研細入水浸一夜燥乾

各一兩爲末煉蜜爲丸噙化牙痛者星入水浸一夜燥乾

○一方治喘而嗽用南星瓜蒌半夏香附橘紅蘿藦子青代皂角爲末神麴丸姜湯送下一方有杏仁

○喘用阿膠漬分厘實若久病發喘必是肺虛故用阿膠人參五味子之類補之若新病肺實而發喘者宜桑白皮葶力子麻黃杏仁之類瀉之東垣曰久嗽難熱在肺不用人參新病未成鬱熱者用人參未知孰是

○氣實人因服黃芪過多而喘者宜服三拗湯以瀉氣

○三拗湯治肺感風寒喘急不已方見咳嗽門

○葶藶大棗瀉肺湯治肺壅脹青膈滿悶上氣喘急身體面

浮腫等証

河間

卷之十一

○葶藶子

不拘多少妙黃為末煉蜜凡如彈子大

右以水三盞大棗十枚煎至二盞去棗入葶藶一斤再煎至一盞溫服之

○濟生葶力散治過食煎燂或飲酒過度致肺壅喘不得卧及

肺癰咽噪不渴渴唾腥臭

甜亭力子

炒

桔梗

去苦

瓜蒌子

升麻

薏苡仁

桑白皮

炙

葛根

各八分

甘草

四分

右細切作一服加生姜五片水一盞半煎至一盞溫服

○瀉白散治大人小兒風寒傷肺喘急咳嗽

桑白皮

一錢

地骨皮

一錢

生甘草

半錢

右細切作一服加姜水煎服 一方加防風荆芥各七分

半又方加麻黃杏仁各半錢其効尤捷

○祖傳經驗秘方治遠年喘急

桑木內蠶垂糞

一升炒

羅腹子

半升炒

杏仁

半升不去皮尖炒

甘草

二兩生

共爲極細末湯浸蒸餅爲丸如梧桐子大每服五七十九
淡姜湯送下

○又方治哮喘用苧麻根和砂糖爛煮時時嚼嚥下永絕病根
神効

○又方用猫兒頭骨燒灰酒調二三錢一服便止

○又方用郭公每刺根煎服卽止而不發

○東陽一羽士年五拾餘素有喘病九月間得發熱惡寒証喘
甚脉洪盛而似實一醫作傷寒治而用小柴胡湯加枳實
陳皮等藥六月後欲行太承氣一醫曰不可當作傷食

宜用枳實導滯丸爭不決召予視之二醫皆曰脉實氣盛
當瀉予爲疹後曉之曰此火盛之脉非真實也觀其短氣
不足以息當作虛治而用補中益氣湯加麥門冬五味子
入附子三分煎服二貼脉收歛四貼而病輕減六貼病痊
安

瘧証十四

論

內經曰夏傷於暑秋爲瘧。瘧又曰先寒而後熱者名曰寒瘧。先熱而後寒者名曰溫瘧。其但熱而不寒者名曰瘧。瘧丹溪曰瘧瘧皆生於風。瘧瘧者老瘧也。以其隔二日一作纏綿不去。古方多用峻劑。恐非稟受怯弱與居養所移者所宜。殆悟常山烏梅砒丹劫劑。或誤投之。輕病變重。重者必危。夫三一作作者邪入於三陰經也。作於子午卯酉日者少陰瘧也。作於寅申巳亥日者厥陰瘧也。作於辰戌丑未日者太陰瘧也。瘧得於暑。當以汗解。或因取涼太過。汗鬱成痰。其初感也弱者。即病。胃氣強者。伏而未動。至於再感。復因內傷。其病乃作。宜其難差。夫感暑與風皆外邪也。故非汗多不解。今之瘧也。

疾者已經再三劫試胃氣重傷何由得愈欲治此証必先與參朮等補劑爲君加柴葛等發散藥漸而收汗得汗而虛又行補養下體屬陰最難得汗補藥力到汗出至足方是佳兆又有感病極深邪氣必自藏傳出至府其發無時若發於午之後寅之前者血受病也爲難愈須漸趨早亦佳兆也治斯疾者春夏爲易秋冬爲難大忌飽食遇發日食飽病愈加重尤當以汗之難易較輕重也內經又曰瘧之且發也陰陽之且移也必從四末始陽已傷陰從之故先其時堅束其處令邪氣不得入陰氣不得出審候其之在孫絡盛堅而血者皆取之謂用三發針視絡絡出血此直往而未得併者也故今人多以諸般草藥於臂膊內縛之即此遺意耳外有陰虛証每日午後惡寒發熱至晚亦得微汗而解脉必虛濡而數且瘳脉弦而虛

脉不大弦爲辨耳若誤作瘰治而用常山砒丹及柴胡乾葛等藥多至不救醫者宜以脉証參驗其虛實而療之毋縱巨膽以殺人

脉法

要畧曰瘰脉自弦弦數多熱弦遲多寒弦而小緊者下之瘰弦遲者宜溫弦緊者可發汗針灸浮大者可吐之弦數者風發也以飲食消息止之

脉經云瘰脉自弦微則爲虛代散則死

方法

冊溪方注
凡十六條

丹溪曰有暑瘰有風瘰有濕瘰有痰瘰有食瘰三日一發者受病一年間日一發者受病半年一日一發者受病一月連發二日住一日者氣血俱受病俗名脾寒乃因名附連

其實也苟因飲食所傷而得之未必是寒況其他乎

○暑瘧宜人參白虎湯之類

○有痰者二陳湯加常山草菓柴胡黃芩

○不能食者必於飲食上得之當從食治

○虛者必用參朮一二點托住其氣不使下陷後用他藥若無

汗要有汗散邪為主帶補若有汗要無汗正氣為主帶散

○數發之後便宜截而除之久則發得中氣虛弱病邪已深而

難治世有砒料等截藥有大毒不可輕用

○大渴大熱用小柴胡去半夏加知母麥門冬黃連黃柏梔子

天花粉

○瘧渴用生地黃麥門冬天花粉牛膝知母沙黃栢乾葛生

草

○久瘧二陳湯加川芎蒼朮柴胡葛根白朮一補一發藥也

○甚者發寒熱頭痛如破渴而飲水多汗可以參芪苓連梔子
川芎蒼白朮之類治之

○痰滯胃滿熱多寒少大便燥實大柴胡利之愈

○久瘧不得汗以二陳湯倍加蒼朮白朮少加檳榔

○小兒瘧疾者有痞塊生地黄芍藥各一錢半陳皮川芎炒黃
芩半夏各一錢甘草二分加生姜煎調醋炙鱉甲末

○瘧母用九藥消導之醋鱉甲為君三稜蓬朮香附海粉青皮
桃仁紅花神麴麥芽隨証加減為丸醋湯送下

○老瘧係風暑入在陰分宜用血藥引出陽分而散川芎撫芎
當歸紅花蒼朮白芷黃柏甘草煎露一宿服之

○瘧瘵老瘵也三日一發陰經受病也夫瘵得於暑當以汗解

載取風汗令汗不得泄鬱而成痰又復嗜慾縱飲及經試

劫藥胃氣大傷其病難愈必先與參朮陳皮為藥等劑佐以本經引用之藥若得汗而軀虛又須重補俟汗通身木過委中方是佳兆仍節飲食避風寒遠房勞無不愈者

○截癰常山飲

川常山

草葉

檳榔

知母

炙甘草

烏梅

穿山甲

漫火煨胖

右各等分細切每服五錢水酒各半盞煎至八分露星月一宿清晨冷服之欲吐則順之忌熱湯一日然常山性暴悍善驅逐痰飲大傷其氣病人稍虛弱者戒勿輕用

○截癰七寶飲

常山 一錢

厚朴

青皮

陳皮

炙甘草

檳榔

草葉仁

各半錢

右細切作一服酒水各半盞寒多加酒熱多加水煎八分
露星月一宿空心冷服忌熱茶湯一日至午食溫粥

○東垣曰夏月天氣上行秋月天氣下行治者當順天道如先
寒後熱太陽陽明病白虎加桂也此天氣上行宜用之若
天氣下行則不宜瀉肺宜瀉命門相火則可矣亦有內傷
冷物而作者當先調中後定瘥形治隨應見乃得康寧亦
有久而不瘥者當求虛實以脉為期虛補實瀉可使卻疾
此之謂也

太陽証令人腰痛頭重寒從背起先寒後熱煊煊暍然
熱止汗出難已羌活加生地黃湯小柴胡加桂湯

陽明証令人先寒洒淅寒甚久乃熱熱去汗出喜日月光
火氣乃快然桂枝二白虎一湯黃芩芍藥加桂湯

少陽証令人身軀解體寒不甚熱不甚惡見人見人心惕
惕然熱多汗出甚小柴胡湯

太陰証令人不樂好太息不嗜食多寒熱汗出病至則善
嘔嘔已乃衰小建中湯異攻散

少陰証令人口噤吐甚多與熱熱多寒少欲閉戶牖而處
其病難已小柴胡加半夏湯

厥陰証令人腰痛小腹滿小便不利如癰狀數便思恐懼
氣不足腹中悒悒四物玄胡苦練附子湯

○白虎加桂枝湯治溫瘧

知母

四錢

甘草

一錢

石膏

五錢

桂枝

一錢

粳米

一合

右以水三盞煎米至二盞去米入諸藥再煎至一盞溫服

三服汗出愈

○溫脾散治久瘧不愈

柴河車

俗名金線重樓 菴豆 各一兩 甘草 半兩

信砒

一兩半研細

右爲細末入砒一處研勻每服半錢新汲水少許調下須於發日隔夜夜深服藥忌葷酒瓜果生冷魚腥鷄肉等物三日孕婦勿服但至誠合此藥與人並不吐此雖有砒一味而有河車菴豆甘草三味及新汲水皆能解毒不妨

按已上二方劫病之捷勝於他方但虛弱或久病羸瘦之人終不可輕用如服上藥吐不止者以生菜豆細研新汲水調飲多即止

○丹溪活套云凡瘧証或連日或間日發作惡寒發熱腰背頭

項俱痛此屬太陽經瘧也宜二陳湯加麻黃羌活藁本防風之類○如連日或間日發作先寒後熱或寒少熱多或但熱不寒目痛鼻孔燥此屬陽明經瘧也宜用二陳湯加乾葛升麻石膏知母白芷之類○如連日或間發作或先寒後熱或寒熱間作脇痛口苦或嘔吐惡心此少陽經瘧也○宜二陳湯倍加柴胡及黃芩人參青皮之類○如於子午卯酉日發寒熱嘔吐舌乾口燥此少陰經瘧也宜二陳湯加川歸川芎黃柏黃連柴胡之類○如辰戌丑未日發寒熱嘔吐不嗜食或腹滿自利此太陰經瘧也宜二陳湯加蒼白朮柴胡芍藥之類○如於寅申巳亥日發惡寒發熱寒多熱少或腹痛引陰如牀狀善恐此厥陰經瘧也宜用二陳湯加桂枝附子乾姜之類大抵瘧屬三陽宜汗

宜吐麻黃芩根柴胡常山草葉烏梅之屬治之確屬三陰
宜下宜溫宜和大柴胡湯柴胡桂姜湯柴胡四物湯附子
理中湯之類選而用之

○祖傳經驗截法神方

木通

秦元

常山

川山甲

醋炙黃
一錢

辰砂

半錢
另細

烏梅

七箇

大棗

七箇

右細切以水三盞煎至一盞先以棗和辰砂末食後服藥
○一方用常山草葉知母檳榔各一錢酒一盞浸一日臨服日
早服

○又方治久瘧不愈一服便止永不發其効如神

常山

一錢半

檳榔

一錢

丁香

半錢

烏梅

一箇

右細切作一服用好酒一盞浸一宿臨發日清晨飲之

○予壯年過杭同舟有二男子皆年踰四十五各得痲瘰三年
矣俱發於寅申巳亥日一人晝發於巳而退於申一人夜
發於亥而退於寅予曰但到杭可買藥俱與瘰可晝發者
乃陰中之陽病宜補氣鮮表與小柴胡湯倍柴胡人參加
白朮川芎葛根陳皮青皮蒼朮夜發者爲陰中之陰病宜
補血疎肝用小柴胡合四物加青皮各與十貼教其加姜
棗煎於未發前二時服每日一貼服至八貼同日得大汗
而愈求不再舉

癘亂十五

論

內經曰歲土不及風乃大行民病飧泄霍亂體重腹痛筋骨
縫併陳無擇曰霍亂者心腹卒痛嘔吐下利憎寒壯熱頭痛
眩暈先心痛則先吐先腹痛則先利心腹齊痛吐利並作甚
則轉火入腹即死蓋陰陽反矣清濁相干陽氣暴升陰氣頻
墜陰陽否隔上下奔趨河間曰吐瀉不止者其本在於中焦
或因渴而大飲飲而過量或因飢而始食食而過飽以致濕
熱內甚故陰陽交錯而不和是爲吐瀉仲景曰邪在上焦則
吐邪在下焦則瀉邪在中焦則既吐且瀉此爲急病也然吐
利爲急卒死其一二如揮霍撩亂而不得吐瀉者此名乾霍
亂也多死法曰既有其入必有所出今有其入而不得其出

者否塞也故轉筋吐瀉者其氣有三一曰火二曰風三曰濕
大抵霍亂吐瀉之証皆風木濕熱之爲害耳治法宜分利陰
陽散風行濕而降火也又當引清氣上升使濁氣下降無有
不安仲景又曰熱多欲飲水五苓散寒多不飲水理中丸河
間亦曰凡覺此証急用五苓益元散桂苓甘露飲乃吐瀉之
聖藥也慎勿與粟米粥湯入胃必死丹溪曰內有所積外有
所感陽不升陰不降乖隔而成非因鬼邪皆飲食所致此先
哲確論也切勿與穀食雖米湯一呷下咽立死以待吐瀉止
過半日飢甚方可與稀粥少食以漸而將息也學者詳之

脉法

脉微而澁

或代而散

或隱而伏

或大而虛

脉右關滑爲霍亂吐瀉

脉結促代皆不可斷以死

脉大者生

脉微弱漸遲者死

脉洪者爲熱

脉弦者爲飲

氣口脉弦滑膈間有宿食留飲宜順其性以鹽湯探吐之

方法

丹溪方法凡七條

丹溪曰大法生姜理中湯最好

有宜吐者雖自吐利還須以吐法提其氣用二陳湯探吐
或樟木屑煎湯或鹽湯皆可吐之

○一方蒼朮厚朴陳皮乾葛各一錢半水煎服

○或用姜湯下保和丸四五十粒

○轉筋屬血熱四物湯加酒芩紅花蒼朮南星煎服

○轉筋男子以手挽其陰女子以手牽乳兩傍此千金妙法也

○乾霍亂

忽然心腹痛方欲吐不吐欲瀉不瀉者是也俗各病腸沙即是難治死在須臾升降

不通故也宜吐以提其氣最是良法內有物所傷外爲邪

氣所遏大法宜發汗有用吐法者即兼發散之義有用溫

藥解散者二陳湯加川芎蒼朮防風白芷等解散藥也

○委中穴出血或十指頭出血皆是良法

○挂苓甘露飲五苓散 二方並見中暑門

○半夏湯治霍亂轉筋吐瀉不止

半夏麴

茯苓

白朮 各五錢 淡桂 二錢半

炙甘草 一錢

右爲細末每服二錢渴者以涼水調下不渴者以溫水調

下不拘時候

○理中丸

白朮

人參

乾姜

甘草 各等分

右爲細末煉蜜爲丸如彈子大每服一九涼水下

○六和湯治霍亂吐瀉不止

白朮

半夏

砂仁

杏仁

人參

甘草

各五分

赤茯苓

藿香

白扁豆

姜汁拌炒

木瓜

各一錢

香薷

厚朴

姜汁製炒

右細切加生姜三片大棗一枚水二盞煎至一盞溫服

○漿水散治暴泄如水周身汗出盡冷脉弱不能言語甚而吐

逆不止

半夏

二錢

附子

乾生姜

炙甘草

桂心

各半錢

良姜

二分半

右細切作一服漿水煎服之

○姜附湯治霍亂吐瀉轉筋手足厥冷多汗方見傷寒門

○理中湯治過食生冷遂成霍亂吐瀉食不消心腹滿悶不快
加青皮陳皮名治中湯更加丁香附子名丁香附子中湯宜
臨病斟酌施治方見傷寒門

○祖傳灸法治霍亂已死而胃中尚有暖氣者灸之立甦
其法以鹽填滿臍孔灸之不計壯數

○又法治霍亂吐瀉不止灸天樞氣海中脘四穴立愈
天樞二穴在臍心兩傍各開二寸 氣海一穴在臍下一
寸半 中脘一穴在臍上四寸

○洗法治霍亂轉筋用大蓼一握水煮薰洗立効

○丹溪活套云凡霍亂不渴用生薑理中湯如渴用五苓散加
五味子麥門冬滑石轉筋用四物湯酒芍紅花南星蒼朮
又云冬月用理中湯夏月用黃連香薷湯放井中浸水冷

頭服乃効 一方治吐瀉用藿香蒼朮厚朴陳皮砂仁白
芷甘草半夏茯苓人參炒神麴各等分水煎過寒加乾姜
寒甚加附子

泄瀉十六

論

內經曰濕勝則濡泄又曰春傷於風夏必飧泄又曰暴注下迫皆屬於熱又曰諸病水液澄徹清冷皆屬於寒叔和云濕多成五液是故知風寒濕熱皆能令人泄瀉但濕熱良多而風寒差少耳原病式曰瀉白爲寒青黃赤黑爲熱也大抵瀉利小便清白不澁爲寒赤澁爲熱又大便完穀不化而色不變吐利不腥穢水液澄徹清冷小便清白不澁身冷不渴脉遲細而微者皆寒証也凡穀肉消化無問色及他証便斷爲熱夫寒泄而穀消化者未之有也或火性急速傳化失常完穀不化而爲飧泄者亦有之矣仲景曰邪熱不殺穀然熱得濕則爲飧泄也噫寒熱二証水炭相反治之者差之毫厘謬

以千里者也醫者可不謹乎

脉法

內經曰脉細皮寒少氣泄利前後飲食不入是爲五虛死其漿粥入胃泄注止則虛者活

脉經曰泄注脉緩時小結者生浮大數者死

又洞泄食不化不得留下膿血脉微小流連者生勁急者死

脉訣云下利微小則爲生脉大浮洪者無差日

方法 丹溪方法九十二條

丹溪曰泄屬氣虛有火有痰有食積者

戴氏曰凡瀉水腹不痛者濕也飲食入胃不住完穀不化者氣虛也腹瀉瀉水腸鳴痛一陣瀉一陣者火也或瀉或不瀉或瀉後痛減者食積也

○燥濕四苓散加蒼朮倍白朮甚者二朮炒爲末米飲調服

○氣虛用人參白朮芍藥

○火宜伐火利小水四苓散加滑石黃芩梔子木通

○痰宜伐痰海石青代黃芩神麴爲丸服或用吐以提其清氣

○食積宜消導疎滌之神麴大黃積實之類

○水瀉用蒼朮厚朴陳皮炒麴茯苓澤瀉地榆甘草冬加

乾姜等分煎服

○泄瀉水多者必用五苓散

○夏月水瀉桂苓甘露飲

二方並見暑門

○治泄瀉諸藥多作丸子効諸

○脾胃不和泄瀉者胃苓湯

五苓合平胃散是也

○世俗例用澁藥治瀉若病久而虛者或可若初得者必變他

証爲禍不小殊不知瀉多因於濕分利小水爲上策也

○清六九治泄瀉

六一散一料加紅麴伍錢

右爲細末湯浸蒸餅爲丸服

○溫六九治泄瀉或蕪嘔吐者

六一散加乾姜或生姜汁亦可蒸餅丸服

○姜麴丸治食積瀉

陳麴

茴香各五錢生姜一兩

右爲細末蒸餅丸服

○止瀉方

肉豆蔻

五錢

白滑石

春冬一兩二錢半夏
二兩五錢秋二兩

右爲細末姜汁調神麴作糊爲丸服

經方

○脾泄丸

白朮

神麴

芍藥並炒各等分

冬加肉豆蔻去芍藥爲細末神麴糊爲丸服

東垣

○茯苓湯治困傷冷飲水泄瀉注下一夜十餘次變作白痢或

變赤白相雜腹中

疝痛食減熱躁四肢沉困無力

生黃芩半一錢當歸二錢

肉桂

炙甘草各二分半

猪苓

茯苓

各三分澤瀉五分

芍藥七分半

蒼朮

生甘草

升麻

柴胡各一錢

右細切作一服水二盞煎至一盞稍熱服

○黃芪補胃湯治一日大便三四次溏而不多有時作泄腹中

鳴小便黃

黃芪

柴胡

當歸身

益智

上
東

橘紅

錢半

升麻

二錢

炙甘草

半錢

紅花

少許

右切細作一服水二盞煎至一盞稍熱食前服

○升麻除濕湯自下而止者引而去之

麻子傳導之藥乎至林并秘

蒼朮

一錢

柴胡

羌活

防風

升麻

神麴

澤瀉

猪苓

各五分

炙甘草

陳皮

麥月麴

各三分

右細切作一服水二盞煎至一盞去粗空心服如胃寒腸

鳴加益智仁半夏各五分生姜三片大棗一枚同煎非腸

鳴勿用

○劉草窓治痛泄要方

白朮

二兩炒

白芍藥

二兩炒

陳皮

半兩

防風

一兩

右細切分作八服水煎或丸服久瀉加升麻六錢

要機

○白朮芍藥湯治太陰脾經受濕水泄注下體重微滿困弱無力不欲飲食水穀不化宜此和之身重暴下是大勢來亦宜和也

白朮

白芍藥各四錢 甘草二錢

右細切作一服水二盞煎至一盞溫服

要機

○茯苓湯治濕瀉又治食積濕熱作瀉

白朮

茯苓各五錢

右細切作一服水煎食前服一方有芍藥三味各等分名白朮散爲末米飲調下

要機

○蒼朮芍藥湯治証如前

蒼朮五錢

芍藥二錢半 黃芩一錢半 淡桂五分

右細切作一服水二盞煎至一盞溫服

要機

○防風芍藥湯治發熱身熱脈弦腰痛微汗

防風

芍藥

黃芩各二錢

右細切作一服水煎空心服

○蒼朮防風湯治泄瀉脈弦頭痛

蒼朮二錢

防風一錢

白朮四錢

麻黃一錢

右細切作一服水煎至一盞食前服

○良方神木散治春傷於風夏必發泄之証

蒼朮一錢半

藁本

川芎各六分

羌活四分

甘草炙三分

細辛二分

右細切作一服加生姜三片水二盞煎至一盞去粗溫服

如欲汗加葱白三莖

○胃風湯治証如前及治風冷乘虛入客腸胃米穀不化泄瀉

方局

要機

注下及腸胃濕每下如豆汁或下瘀血或如魚腦日夜無
度久不得愈者

方見中風門

丹溪活套云泄瀉注下如水用生料五苓散加蒼朮車前子
倍白朮爲末米湯調服○濕熱甚下泄如熱湯者本方去
桂加滑石黃芩梔子木通之類○如腹中疝痛下泄清冷
喜熱手盪熨口不燥渴乃寒泄也本方倍桂加肉豆蔻有
氣加木香病甚者更加丁香附子作丸服○如久泄穀道
不合或脫肛此丸氣下陷及大腸不行收令而然用白朮
芍藥神麴陳皮肉豆蔻阿膠子肉伍倍子烏梅爲丸以四君
子湯加防風升麻煎湯送下○如食積時常腹痛瀉積先
以木香檳榔丸或東垣枳實道滯丸推逐之而後以四苓
加厚朴蒼朮神麴麥芽之類作丸服之以安胃氣○如瀉

水腹不痛者屬氣虛宜四君子湯倍白朮加黃芪升麻柴胡防風之類補以提之而愈

○祖傳經驗秘方治暴泄注下用

車前子微炒 右一味研爲細末清米飲調服

○又方治腹痛泄瀉用

艾葉 車前葉各一握陰乾

右先將二葉細切用水二盞煎至一盞去粗入姜汁再煎

一沸稍熱服立愈

一人泄瀉日夜無度諸藥不効偶得一方用針沙地龍猪苓三味共爲細末生葱搗汁調方七貼臍上小便長而瀉止

○一人吐瀉三日垂死囑付後事予爲灸天樞氣海三穴立止

新編醫學正傳卷之二終